

成案質疑

賊盜四


卷十八

漢書門			
九二八	七四八	七五〇	七五八
類	號	函	架
冊	架	函	號

內閣文庫			
九二八	九二二	七四八	七四二
類	冊	架	函
架	冊	號	類

內閣文庫			
番號	漢	9248	
冊數	75 (26)		
函號	296	100	

二十六



強盜傷人

雍正二年十月刑部會議覆安撫李 題強盜強玉生等行劫宣城

縣鄉民汪公林家一案查盜首強玉生知汪公林家道稍裕起意行劫糾約王國太王聖來陳九如陶美公朱天錫朱天玉張奇生章花子潘花子王二漢共十一人分執棍械于康熙六十一年七月二十六日夜三更時分齊至事主門首用木槓打開耳門強玉生王國太在外把風餘盜進內事主驚覺持鎗叉相抵破陳九如章花子奪住王聖來章花子潘花子王二漢即將事主汪公林并事主之父汪天開母李氏弟汪茂士綑縛燒打強玉生王國太亦進內毆打事主汪公林各盜搜劫銀衣等物俵分而散事主汪公林等傷俱平復陸續拿獲張奇生等歷審不諱按擬具題除張奇生于取供後在監病故不議外傷人盜首強玉生傷人夥盜王國太王聖來俱合依強盜已



行得財者不分首從律擬斬立決陳九如陶美公朱天錫朱天玉俱係跟隨上盜並未傷人均應免死減等僉妻解部照例面上刺字發寧古塔將軍轉發三姓地方照雍正二年八月內定例酌給披甲及散戶人等為奴已獲贓物給主未獲贓物將各盜家產變賠脫逃夥盜章花子潘花子王二漢勒緝務獲審擬具題再該撫疏稱監斃張奇生之管獄官係宣城縣典史曹廷瑞相應附參等語查定例州縣監獄係典史吏目專管獄內監斃一人者罰俸三個月等語監斃張奇生之管獄官宣城縣典史曹廷瑞照例罰俸三個月事在赦前相應免議奉旨強玉生王國太王聖來俱着即處斬餘依議

強盜傷人

乾隆元年四月刑部會議覆盜犯伍富新等行劫高明縣民何超俊家一案據廣撫楊疏稱查盜首伍富新係鋸匠營生探知何超俊家有牛隻衣物雍正十二年四月二十日在塘規村鋸板適遇劉戊弟鄧松保在彼經過邀同閒坐共談貧苦伍富新起意即以何超俊家有牛隻衣物商謀找黨劫掠劉戊弟鄧松保應允約定是月二十五日晚在深坑逕聚會劉戊弟隨找得梁千君入夥至期各盜執持木棍畢集共夥四人伍富新引路同行二更時分至事主門首鄧松保劉戊弟梁千君先後上屋伍富新在外把風鄧松保拆開瓦柵將所帶火毬拋下同劉戊弟梁千君三人下屋開門驚醒事主夫妻維時梁千君即往牛欄牽牛何超俊同妻梁氏拒敵劉戊弟用棍打傷梁氏左額角偏左鄧松保亦用棍打傷梁氏左胎膊又打何俊超右

肫肘事主夫妻受傷又被鄧松保押住不許聲張劉戊弟搜取衣物出交伍富新細紫梁千君牽牛二隻同伍富新兩人分牽各盜背挑贓物分牽牛隻劉戊弟押後仍奔回深坑逕俵分散踪後鄧松保將衣物托溫亞祖代賣溫亞祖將所賣之錢用去嗣據緝獲伍富新到案供開夥黨姓名又誣溫亞祖為同夥續獲溫亞祖到案審非同夥質之伍富新等始供因溫亞祖賣贓得錢未交挾恨妄扳及上盜傷人各情由供認不諱事主夫妻傷俱平復將伍富新等按擬斬笞具題查該撫既稱伍富新為首起意劉戊弟劉松保打傷事主均為法所難宥等語應如該撫所題伍富新劉戊弟鄧松保均合依強盜已行得財者不分首從律擬斬立決不應援

赦其該撫擬以情有可原之梁千君係聽找入夥並未傷人且止行劫一次應免死減等僉妻解部照例面上刺字咨送戶部遵奉雍正十三

年閏四月二十八日改定發往三姓地方賞給八姓一千兵丁為奴種地查康熙六十一年十一月二十日恭遇

恩赦凡免死減等發遣強盜俱援

赦免罪在案今梁千君事在

赦前相應免罪該撫既稱溫亞祖知情賣贓得錢入已合依知強盜後分贓者計贓准竊盜為從論一兩至十兩為從減一等律杖六十免刺已經照例先行折責發落等語應毋庸議已獲贓物給主未獲贓物將各盜家產變賠溫亞祖所得賣贓錢二千五百文照追給主再該撫疏稱本案盜夥四人另知情賣贓一名盜首盜夥俱已全獲訊無窩家亦無另有線躋原叅疎防各官應請免議等語應將原叅疎防高明縣典史王璉等均請免議奉

旨伍富新劉戊弟鄧松保俱着卽處斬餘依議

強盜傷人

康熙十九年六月刑部議覆河撫董 題查賊犯程顯業程記臉均係戴氏故夫族弟窺氏家有資財糾夥胡小須等八人執械明火入室將戴氏刀刺棍擊搜劫衣物瓜分程顯業等合依凡強盜殺傷人不分曾否得財皆斬梟示律均應斬決梟示隣佑程振海等不行拏賊合依知強盜公行打劫隣佑不行拏獲者杖八十例應杖八十獲賊給主未獲贓物將各賊家產變償 又一議得程顯業商同程記臉等八人打劫族嫂戴氏家一案查程記臉係戴氏比隣顯業亦在同庄居住以生平親熟之人不畏其認識公然進室傷氏行劫其事已在情理之外雖該撫駁詰縣審顯業等供假粧山陝聲音及不許擡頭看我因氏擡頭一望故胡小須扎他臉上一刀但查縣審初供無論顯業等並無不許擡頭之語即戴氏供內亦無不叫他看之言

迨該撫批審之後二次供內忽然添入事屬可疑且戴氏既識顯業等四盜于火光之下當程振海領人來救之時何不即時說明及次早程習知赴縣呈報顯業等仍然在家又何不普告同庄之人即至其家擒拏二盜搜取贓物而乃半句不言坐令兩盜逸出初二日上盜十三日然後緝獲更屬可疑至謂記臉等素知戴氏頗有積蓄遂謀盜劫乃今觀起獲及花費之贓不過敝衣綿袍銅盆燈臺麥子芝蔴等物總計所值不過數金又如失單開銀一两八錢即以六盜各分三錢以實其數殊不知初二三更並無月色羣盜黑夜分贓安得戮予秤兌分得如此均平種種砌供即此可見至案內程記臉孫成秀于五月十三日拏獲即于二十三二十六等日俱死于獄陳五亦于府獄病故雖云在取供之後而記臉成秀不出十餘日相繼速死亦屬可疑查律文內凡強盜跡涉疑似者不妨再審查招內疑情願多事閱臬斬難以遽定應令該撫親加研審務得真情具題到日再

議奉

旨後議

強盜砍傷事主隣佑

乾隆二年三月刑部會議覆盜犯廖亞俸等行劫新會縣民周星炳家砍傷隣人林國君林軼俊一案據廣撫楊疏稱緣盜首陳有德於雍正十三年十一月初一日窺見周星炳挑錢回家遂萌盜念是晚卽同廖亞俸在村外荒地商謀找黨行劫廖亞俸應允約定初三日夜仍到荒地聚會隨各展轉找得葉孔興鄧亞朝廖亞昭周作球廖亞克各于初三日夜更深時候携械畢集適遇幼童永祿在彼經過陳有德恐其疎洩邀令隨行同夥八人二更時分齊至事主門首廖亞俸在巷內把風陳有德用棍撬門不開復上屋拆椽餘盜站立事主門前候陳有德下屋開門進劫維時事主叫喊鄉隣先後出救廖亞俸刀傷隣人林國君右額角左手指林國君退避廖亞俸又刀傷隣人林軼俊額顱左手肘左膝維時鄉鄰赴救人衆各盜不能入

劫遂分頭奔逃林國君林軼後傷經平復緝獲廖亞俸等屢審各認不諱將廖亞俸等擬以斬流等因其題應如該撫所題廖亞俸合依強盜傷人不得財照搶奪傷人律擬斬監候秋後處決查雍正十三年十二月臣部議覆東撫岳具題彙

赦疏內依強盜傷人未死又未得財照搶奪傷人爲首擬斬之胡四與赦欵相符應免罪等因奉

旨依議欽遵在案今廖亞俸所犯情罪與胡四相同應准其援免陳有德鄧亞朝葉孔興廖亞昭周作球廖亞克永祿均合依強盜已行不得財律僉妻流三千里至配所杖一百折責四十板永祿年止十四照律收贖事在

赦前均應免罪免贖奉

旨依議

強盜傷人誤以先下手者擬斬

乾隆八年五月刑部會議覆郭三等行劫賈文學家一案據護河撫趙將郭三依搶奪傷人爲首律擬斬監候張成等照強盜已行未得財律擬流等因具題查例內強盜傷人而未得財比照搶奪傷人律科斷又例內搶奪殺傷人之案致命傷多者以後下手者爲首其致命重傷不知孰爲先後者以初動手者爲首等語是必不知先後專以先下手者爲首如先後分明則後下手者爲首例內分晰甚明此案盜首張成與夥盜郭三行劫俱打傷事主郭三先用棍毆事主頭顱張成亦用杆毆事主頭顱并手是郭三之毆在先張成之毆在後非不知先後者比乃該護撫以先下手之郭三比照搶奪傷人爲首律擬斬監候以後下手之張成爲從擬流與例不符應令該撫詳核律例另行妥擬具題到日再議可也奉

刑夥行劫細燬事主

雍正十二年十一月刑部議覆東撫岳 疏稱查盜首張雲并夥盜
 孟三等共十五人出外為匪張雲見泰安州事主李自省房屋高大
 起意行劫各犯允從于雍正十年七月初六日夜在南嶺聚齊分持
 烏鎗繩鞭刀棍等械一更時分齊至事主門首由西北牆角進院劉
 明子李黑文架事主之弟李自厚用刀按脖令其叫開角門堂門孟
 三高小偏王小旦田四劉丑子王鉄嘴王二陳禿子分佈把風張雲
 往來瞭望龐剛收管贓物劉明子李黑文王起蘭將李自厚繩網火
 燎張獻章李三將事主之侄李彥細縛逼索銀錢李黑文劉明子搜
 劫衣服首飾烏鎗錢文聞地隣救援聲急劉明子李黑文架李自厚
 送路由西門而出至庄北林間放回各盜携贓陸續典當錢文俵分
 而散當據事主報州驗詳飭緝嗣經東阿縣盤獲張雲李三王起蘭

孟三龐剛陳禿子王二牒解泰安州收審該州又拏獲高小偏訊供通詳旋據沂州以張雲等有行劫王嘉賓一案關提質審隨將各盜開解沂州內陳禿子一名卽在沂州病故王起蘭高小偏王二審非王嘉賓案內盜犯逋回泰安州監禁歷審王起蘭等并開取張雲等口供各認不諱將張雲等擬以斬杖等因具題除陳禿子取供後在沂州監內病故不議外該撫既稱張雲此案爲首李三網縛李彥俱行劫十案王起蘭網燎李自厚行劫七次孟三龐剛高小偏王二此案雖跟隨上盜並未傷人但孟三龐剛行劫十案高小偏行劫九案王二行劫六案均屬法無可貸等語張雲孟三李三龐剛高小偏王起蘭王二俱合依強盜已行得財者不分首從律擬斬立決張雲孟三李三龐剛俱在沂州監禁應俟各案開明于行劫王嘉賓案內從重歸結高小偏王起蘭王二現在泰安州監禁應俟各案開明于李

自省案歸結已獲贓物給主未獲贓物盜產變賠又稱私藏烏鎗之李自省照私藏應禁軍器律杖八十係監生照律收贖等語應無庸議逸盜張獻章劉明子李黑文田四王小旦王鉄嘴劉丑子緝獲另結又稱東阿縣拏獲鄰境盜賊職名于沂州王嘉賓案內聲明議敘監斃陳禿子職名已于程洪福案內聲明免開等語毋庸議失察烏鎗之泰安州知州紀邁宜照例罰俸一年奉

旨依議 查康熙四十七年定例私藏烏鎗者責四十板

細打事主夥盜在旁列入難宥

雍正八年六月刑部會議覆福寧州盜犯江祿滿行劫蘇振琳家銀物一案據福建巡撫劉 疏稱江祿滿寔止行劫一次從前並無犯案但該犯同行上盜當黃君能等細打事主時伊又在旁寔法所難宥等語查在逃盜首黃朝車探知蘇振琳家頗饒裕起意行劫雍正六年七月初十日糾約江祿滿黃君能黃阿祿同夥四人於十一日在魁洋地方會齊黃阿祿帶有小刀在路砍削木棍四根各盜用炭塗面一更時分齊至蘇振琳門首黃阿祿打開廚房門將茅草點火擁進臥房蘇振琳同妻梁氏醒覺喊救黃君能即行細縛黃阿祿以棍打傷事主黃朝車搜其箱籠江祿滿復出外把風接贓各盜將所劫銀錢服物挑至官嶺下山僻俵分而散據事主蘇振琳呈控獲賊江祿滿到案歷審供認不諱將江祿滿擬斬刺字等因具題應如該

撫所題江祿滿合依強盜已行得財者不分首從律擬斬立決續據該撫題報江祿滿於本年三月二十七日在福寧州監病故毋庸議已獲贓物給主未獲贓物將該犯家產變賠逃盜黃朝車黃君能黃阿祿應令該撫設立賞格勒緝務獲另結寄贓之林若良該撫既稱審不知情應毋庸議奉

旨依議

上盜未得財下手傷人之犯擬斬

雍正六年八月刑部議覆安撫魏 疏稱緣盜首刁有先之兄刁榮先賣酒生理與含山縣監生張憲家相近有先探知張憲家積有稻米起意行劫與劉康錫劉相如沈榮正林聚生林九遐陸秀書方王子韓七於雍正四年四月初十日在榮先店內商謀時有張憲無服姪孫張良臣適至有先遂邀入夥議定十二日夜在墳塋傍會齊至期俱至陸秀書又帶吳賽子同往共十二人當有盛明先知情因病瘡未曾同行二更時分劉相如沈榮正林聚生吳賽子分執柳棍劉康錫林九遐陸秀書方王子各執鉄尺刁有先張良臣各挑稻籬刁榮先攜帶稍袋韓七空手張良臣畏懼認識以墨塗臉齊抵事主門首各盜擠門拴斷驚覺張家飲酒未散之客隨各上屋打瓦鳴鑼鄰人俱赴救援群盜棄械奔逸惟劉康錫落後被張憲赶上扯住劉康

錫急欲脫身卽將鉄尺毆傷張憲右臂遂亦脫逃各盜並未得財事主傷已平復七月十二日張良臣赴縣自首供出同夥姓名陸續拿獲劉康錫等審擬具題除才有先于解赴司審在途病故刁榮先于州審後發縣在監病故未曾到案之方玉子在巢縣樊惟九案內監斃韓七已經巢縣結報病故劉相如于撫審後發回在途病故均不議外查定例強盜傷人未死又未得財者照搶奪傷人律科斷律內搶奪傷人爲首者斬監候爲從各減一等等語劉康錫係上盜行劫毆傷事主之犯不應照該撫所題發配內地應改照搶奪傷人律擬斬監候其未曾傷人又未得財之林聚生陸秀書沈榮正吳賽子張良臣均合依爲從律各杖一百僉妻流三千里張良臣係聞拏自首應照知人欲告而自首者減罪二等律杖九十徒二年半知情並未同行之盛明先應照知人謀害他人被害之後不首告律杖一百劉

康錫林聚生陸秀書張良臣盛明先又于行劫巢縣城內樊惟九家案內有名應聽彼案審明從重歸結仍于被獲處監禁取具行劫樊姓案內各盜寔供關會明確卽行定案完結逸盜林九遐獲日另結方玉子係巢縣監內病故管獄官職名應于彼案開報監斃刁榮先之管獄官含山縣典史姚天奎照例罰俸三個月劉相如在途病故緣由俟該撫查明具題到日再議劉康錫係毆傷事主應擬斬罪之犯今止擬流罪其錯擬之承審各官應令該撫一併題叅奉旨依議 強盜傷人未得財照搶奪傷人律下手傷人者爲首擬斬不依搶奪本律分別首從定擬

通繩細縛事主之盜亦作傷人爲從論

雍正十三年 月刑部議覆強盜小張三等行劫劉文成家未經得財一案據安撫王 疏稱查定律強盜傷人未得財者比照搶奪傷人律科斷又定例搶奪傷人之案以下手傷人者爲首在場助力者爲從等語劉僧通繩與王三細縛事主之妻係在場助力應照搶奪傷人爲從例發邊衛充軍小張三大張三傅天祥王大並未在場助力應以強盜已行未得財律擬流查劉僧大張三傅天祥王大已于審明題結之亳州侯宗亮家案內因係夥盜將各犯免死減等在案仍歸于彼案發遣小張三並未行劫別案應卽于此案充配逸盜臧三蔡三袁立劉三緝獲另結等因具題除細縛事主之夥盜李二王三病故不議外劉僧應照搶奪傷人爲從律發邊衛充軍又定例盜案內充發人犯俱改發齊齊哈兒種地應將劉僧改發齊齊哈兒種

地小張三大張三傳天祥王大合依強盜已行未得財律應僉妻流
三千里至配所責四十板均照例刺字仍將劉僧大張三傳天祥王
大從重歸于亳州侯宗亮家案內解部發遣小張三應于此案發配
燒燬事主之屋照例追賠脫逃傷人夥盜臧三蔡三細縛事主夥盜
袁立劉三應令該撫嚴緝務獲審擬另結事主劉文成地保王加志
劉守志隣佑董其祿張從善諱盜不報照例各杖八十已經發落無
庸議地保仍革役又稱監斃王三李二之官獄官職名已于侯宗亮
案內開報此案毋庸重開等語應毋庸議奉

旨依議

細縛事主之夥盜從寬斬候

乾隆三年三月刑部會議覆盜犯譚亞晚等行劫廣寧縣客民李宗
兆兄弟家一案據署廣撫鄂 疏稱盜首譚亞晚與事主李宗兆弟
兄同甲而居稔知其家頗有積蓄于雍正十三年十月十三日往趨
清遠縣屬磨吊墟適遇黃亞生黃亞喬胡其清同坐墟外談及貧苦
譚亞晚即以李宗兆兄弟家有財物相告起意商量糾黨行劫黃亞
生等應允約定十五日晚在廣寧縣屬浸米坑山聚會展轉糾合馮
選鰲李亞晚伍志德倪俊倍倪佛養梁永三成一科伍鼎正伍代聖
伍亞二黃亞晚至期群盜畢集共黨一十五人各執器械并火毬木
梯子二更時分直抵事主門首譚亞晚倪俊倍在外把風伍亞二監
梯廊外黃亞生黃亞喬胡其清伍志德李亞晚馮選鰲上梯下廊開
門餘盜擁入黃亞生用牌刀砍斷正間左邊門上篋籬復同黃亞晚

伍志德往右邊房內將事主李宗兆細縛令勿叫喊黃亞喬進廚房
點出火球同馮選鰲等擁入左邊房內李亞晚胡其清用繩細事主
之兄李宗輝又用紙捻點火燒其左右兩腿并右腳腕馮選鰲細燒
李光輝之妻胡氏兩脚各嚇取銀兩伍代聖伍鼎正細住李宗輝之
子李世坤黃亞生用刀背打李宗輝之子李世乾右臂膊又同馮選
鰲火燒李世坤左脚踝各盜搜掠衣物銀兩奔至雞梭坑俵分散踪
陸續拘獲各盜研審供認不諱賊經主認其為本案正盜無疑將譚
亞晚等擬以斬決等因具題除黃亞生黃亞喬劫後在家病故不議
外應如該署撫所題法所難宥為首起意之譚亞晚細燒事主之馮
選鰲李亞晚均合依強盜已行得財者不分首從律擬斬立決再該
署撫疏稱伍志德黃亞晚伍代聖伍鼎正係細縛事主皆屬法無可
貸應照刑部等衙門議覆湖撫鍾 題劉正國等行劫周士璧家案

內細縛事主之夥盜周正善擬斬監候秋後處決等語查乾隆二年
十二月初六日臣部議覆御史周紹儒條奏嗣後但有下手細縛及
架送事主之犯該督撫等仍擬以法所難宥不得以其並未傷人槩
行援照等因題准在案今此案夥盜伍志德黃亞晚伍代聖伍鼎正
均係細縛事主皆屬法無可貸不應如該署撫所題援照劉正國案
細縛事主之夥盜周正善擬斬監候應將伍志德黃亞晚伍代聖伍
鼎正均照強盜已行得財者不分首從律擬斬立決不准援
赦該署撫既稱倪佛養係聽父命同行伍亞二成一科梁永三皆係被誘
入夥並未下手細縛事主又無再刦別案均屬情有可原等語應將
倪佛養等四犯均免死減等照例查明有無妻室分別發遣倪俊倍
供出盜首即行拿獲應照例免其外遣改擬杖一百流三千里至配
所折責四十板查康熙六十一年十一月二十日恭逢

恩赦免死減等發遣盜犯俱援免在案今倪佛養等俱事在雍正十三年

十一月十四日

赦前應將免死減等擬遣之倪佛養伍亞二成一科梁永三與擬流之倪
俊倍均應免罪仍行令該署撫將倪佛養等詳記檔案再干法紀加
倍治罪已獲贓物給主收領未獲贓物應將各犯家產變賠該署撫
既稱各盜訊無同居父兄伯叔與弟知情分贓等語應毋庸議逸盜
胡其清應令嚴緝務獲審擬具題再該署撫疏稱本案盜夥一十五
人已獲十二名在家病故二名未獲一名獲賊已經過半盜首亦已
拿獲審無窩家亦無另有線躋原叅疎防各官應請開復等語應將
此案疎防文職廣寧縣典史楊茂滋署廣寧縣知縣張宗栻原叅再
限一年緝拿之案均准其開復至此案疎防武職先經該督初叅案
內聲明獲賊過半尚有起意之胡其清等未獲兵部將兼轄都司鄭
九賢統轄副將趙一廷均照例免議肅汛千總譚廣照例罰俸一年
限年緝拿在案今既據該撫審明獲賊已經過半盜首亦已拿獲審
無窩家線躋等語應將肅汛千總譚廣亦照例准其開復等因奉
旨九卿議奏欽此九卿會議得譚亞晚係起意爲首馮選鰲李亞晚細燒
事主伍代聖伍鼎正伍志德黃亞晚雖未下手傷人但均係細縛事
主之犯俱屬法所難宥臣等伏查乾隆二年十二月初六日御史周
紹儒條奏嗣後但有下手細縛及架送事主之犯仍擬以法所難宥
等因經刑部議覆准行在案應將爲首起意之盜犯譚亞晚細燒事
主之馮選鰲李亞晚細縛事主之伍代聖伍鼎正伍志德黃亞晚仍
照刑部等衙門原議均合依強盜已行得財者不分首從律擬斬立
決不准援

赦餘仍照刑部等衙門原議奉

旨譚亞晚馮逸鰲李亞晚俱着卽處斬伍代聖伍鼎正伍志德黃亞晚雖俱網縛事主然終未下手傷人俱着改爲應斬監候秋後處決餘依議

持火索錢並未網人列入可原

乾隆四年九月刑部會議覆武平縣賊犯曾榮三等竊劫黃齡勝等家一案據署福撫王疏稱曾榮三與鍾薛鰲頭劉老實俱係遊丐緣曾榮三鍾薛鰲頭歇在武平縣張方惠飯店有續經移解廣東質審之遊丐賴易茂梁朗輝何思賢黎斗林蔡七滿先在廣東平遠縣行劫江恒捷家逃至上杭縣歇在張士芳店內而劉老實亦在張士芳店內住歇乾隆元年四月十九日賴易茂梁朗輝何思賢黎斗林蔡七滿在杭邑天宰地沙埧夥坐吃烟適曾榮三鍾薛鰲頭劉老實在彼經過賴易茂以係丐夥併與曾榮三熟識卽邀同坐吃烟彼此言及窮難度日賴易茂卽起意邀同行劫周亦鑑家曾榮三等俱各允從是夜二更仍在沙埧會齊賴易茂帶小刀一把又與梁朗輝各帶牛角鑽一把口袋二條曾榮三携帶線香何思賢黎斗林蔡七滿

鍾薛鰲頭劉老寔等各皆空手同夥八人齊至周亦鑑門首賴易茂用牛角鑿挖開牆孔令曾榮三梁朗輝劉老實鍾薛鰲頭在外把風賴易茂與何思賢黎斗林蔡七滿四人進內竊出衣物雞隻鍾薛鰲頭將事主家扁挑挑至沙埧取火看視因所值無幾賴易茂又起意行竊黃齡勝店內衆復聽從將竊物藏匿深草仍共八人各帶原器梁朗輝攜帶周亦鑑家竊來扁挑于四更時候偕至黃齡勝店旁梁朗輝賴易茂先後用鑽挖開牆孔賴易茂令梁朗輝一人在外看望餘俱入內賴易茂吹滅事主神前燈火各盜竊取服物賴易茂令黎斗林進取扁挑挑正在收拾欲行曾榮三心疑事主閣上有物復持線香火上閣照看被黃齡勝知覺聲喊捉賊尾追下閣賴易茂即起意行強令黎斗林將扁挑毆打黃齡勝右手左脚二處賴易茂復解其店內籬筐繩令鍾薛鰲頭黎斗林將黃齡勝細縛黃齡勝之子黃三滿隨趕下閣蔡七滿用拳毆傷黃三滿胸膛並同何思賢將黃三滿亦行細縛時曾榮三手持線香火詢問黃三滿有無銅錢經黃齡勝告以筒內尚有錢文并行取出各盜開門而逸將贓物吃用并賣錢俵分而散續獲各犯到案屢審供認不諱將易茂等擬以斬決徒杖等因具題應將賴易茂黎斗林蔡七滿何思賢鍾薛鰲頭均合依強盜已行得財律擬斬立決但賴易茂蔡七滿何思賢黎斗林于行劫粵省江恒捷家案內有名應俟彼案審明從重歸結鍾薛鰲頭于此案即行正法再查曾榮三雖持香火詢問事主要錢但並未毆打細縛事主較之蔡七滿何思賢等尚屬情有可原應將曾榮三劉老實俱免死減等行令該署撫遵照乾隆二年七月內奏准之例曾榮三有妻李氏將曾榮三僉妻解部照例刺字咨送兵部轉發寧古塔等處給與披甲人爲奴劉老寔並無妻室照例刺字酌發雲貴川

廣極邊烟瘴地方安插交與地方官嚴行管束該署撫旣稱梁朗輝
訊未進屋不知行強情事應止照竊盜論應將梁朗輝依竊盜夥衆
六人以上不論曾否得財首徒並從例杖一百徒三年仍照例刺字
但梁朗輝已解學質審行劫江恒捷家之案亦應于彼案從重歸結
張士芳張芳惠雖非窩主亦不分贓但不查明來歷聽其住歇均合
依不應重律杖八十除張士芳已經病故無庸議外徒犯梁朗輝杖
犯張方惠俱事在乾隆二年四月十六日

赦前均應接免已起贓物給主未起之贓仍于各盜名下照數追賠各盜
並無窩家及同居親屬故縱及至報明隨即會同緝獲亦無查捕不
力等語應無庸議奉

旨鍾薛鰲頭着卽處斬餘依議

強盜傷人不死不擬梟示

康熙四十九年二月刑部會議覆強盜秦三等行劫婁縣城外居民
胡長佩家一案據原任江撫于準審擬斬罪具題查盜首秦三探知
胡長佩家資稍裕起意行劫糾約沈新陳定陳二張大趙二張四同
夥七人商定于康熙四十七年四月二十八日夜三更時分乘船各
執火械齊至事主門首秦三在外把風餘盜打門入室張四持叉戳
傷事主胡長佩小腹肩甲劫取銀錢衣飾等物俵分而散事主傷已
平復于本年十月初六等日陸續拿獲秦三等該撫歷審情真除陳
二取供後在監病故不議外秦三沈新陳定應照強盜已行得財律
擬斬立決但該撫旣稱秦三等行劫嘉定縣民王方家案內有名應
聽彼案審明從重歸結已獲贓物給主未獲贓物將各盜家產變賠
乘船脫逃之盜犯張大趙二張四嚴緝獲日另結再該撫疏稱監斃

陳二之管獄官係婁縣典史杜炎相應附叅等語查定例州縣監獄係吏目典史專管獄內監斃一人者罰俸三個月等語應將婁縣典史杜炎照例罰俸三個月奉

旨依議

盜犯撈救事主

康熙二十三年七月刑部會議覆盜犯李三等行劫王之屏等行舟一案據安撫薛 審擬斬杖具題查盜犯李三等共夥七人于康熙二十二年十月十二日行至石跋河地方見王之屏等行李華麗遂執腰刀等械過船劫得銀兩衣飾等物潛遁續經擒獲歷審不諱李三張二童關俱合依強盜已行得財者不分首從皆斬律均應斬立決係旂下人應解部正法至溫國棟該撫既稱攔阻夥盜行劫又事主王之屏跳江用篙撈救應否矜免聽候部奪等語查康熙二十年五月二十六日原任蘇撫慕天顏具題強盜張天性案內有曾經勸阻盜首行兇後又解衣燒湯爲事主夫婦熨寒夥盜沈淑靜孫子奇先經臣部等衙門仍擬斬立決具題奉

旨改爲監候在案今溫國棟亦攔阻夥盜行劫事主王之屏跳江又用篙

房考卷之八
九十一
撈救與沈淑靜等之事相符溫國棟應擬斬監候但係旂人亦應解部監候秋後處決已獲之贓給主未獲贓物將各盜家產物件變賠逸盜王四黃大張老道嚴緝獲日另結汛兵王榮隱匿不報合依不應重律杖八十遇熱審減等杖七十折責二十五板革去名糧奉旨李三張一童關俱著解部正法溫國棟依擬應斬著解部監候秋後處決餘依議

強盜復審搶奪

康熙四十三年九月刑部議覆賊犯岳維露等截奪札死李武一案准直撫李 疏李武同弟李順驅趕騾一頭驢二頭岳維露安成旺遇見疑其帶有銀錢起意搶奪與成旺商謀成旺依允同尾至趙家坡地方維露前往截奪李武成旺在後剝取李順藍布袄維露被李武扭住情急照拔小刀扎傷李武左脇身死將岳維露等擬以斬流具題查岳維露知李武有銀錢與安成旺商謀截劫剝取衣服復將李武扎死明係殺人盜案經宣鎮將疎防各官題叅今承審各官又將岳維露等照搶奪傷人律擬罪不合事關強盜殺人不便草率完結應令該撫再加嚴審確擬具題再議奉

旨依議

行強網烙姦污引賊親屬照傷問罪年幼為盜滅流不准收贖

乾隆四年五月刑部會議覆盜犯陳子隆等行劫隨州鄉民王之慕家一案據湖撫崔 疏稱盜首陳子隆籍隸河南流丐隨州與夥盜潘成佐交好因潘成佐援引寄寓熟識之烏成兵家有王公玉路過烏成兵家值烏成兵外出王公玉隨以伊堂兄王之慕獨得故叔遺產怨恨不甘情由訴知陳子隆陳子隆即起意為盜答以糾夥行竊洩忿王公玉允從陳子隆隨暗邀潘成佐李十陳對馮四王二唐二七人行劫乾隆元年十二月二十日約在七里岡相會陳子隆是日先令王公玉往王之慕家探信往竊並未告以糾衆行劫情由王公玉探信告知之後當即回家各盜陸續會齊二更時分齊抵事主門首俱未纏頭塗面惟陳子隆用墨塗臉執持事主門首擡担潘成佐李十馮四各執柴棍陳對年幼在外陳子隆李十掇開大門各盜一

齊入室王二用紙燃火潘成佐馮四繩網事主王之慕李十王二唐
二將事主之妻張氏並子王大富王大貴一同縛網陳子隆李十唐
二復網事主兩媳李十姦汚長媳李氏陳子隆唐二輪姦次媳龔氏
李十陳子隆搜劫贓物因未得銀陳子隆同唐二將鍋片燒烙王之
慕左右臂膊並次子王大貴脊背左右并左肘五更時分仍由大
門出水至七里岡分贓而散惟陳對未經得贓事主王之慕隨拾唐
二所遺破褐衫一件投明甲鄰報州驗訊通詳拿獲屢審供認不諱
將陳子隆等擬以斬梟杖徒分別援

赦等因具題查該撫既稱陳子隆造意爲首又網姦事主兒媳烙傷事主
父子李十馮四潘成佐王二網縛事主夫婦子媳李十又姦事主之
媳均係法所難宥等語應將陳子隆李十均照強盜姦汚人妻女例
擬斬立決梟示馮四潘成佐王二均合依強盜已行得財律擬斬立

決該撫疏稱陳對上盜時年甫十四被脅入夥又未得贓與康熙四
十五年正月內刑部議覆陝撫鄂題武六爲盜年甫十四援照卜
弟免死減流收贖之案相符應請免死減等并予收贖等語查乾隆
三年十月內臣部議覆御史王柯條奏嗣後凡屬成案未經通行并
得牽引果有與舊案相合可援爲例者許于本內聲明附請着爲定
例通行畫一辦理等因具題奉

旨依議遵行在案今該撫所引武六等免死減流收贖之案未經着爲定
例但臣等伏查康熙三十九年經臣部題浙撫張志棟題郁逢源被
劫案內之盜犯卜弟年止十五跟隨上盜並未分贓議以免死減流
照律收贖在案嗣後凡有年幼爲盜等案俱援照辦理遵行甚久今
陳對上盜時年甫十四被脅入夥又未得贓其所犯情罪寔與卜弟
之案相合可援爲例應將陳對援照卜弟之案免死減流照律收贖

仍照例于本內聲明請

旨遵行倘蒙

俞允行文該撫將陳對免死減等杖一百流三千里照律收贖查事在乾

隆二年四月十六日

赦前相應免其收贖并請嗣後凡強盜案內遇有此等夥盜果屬年止十五以下審係誘脅入夥並未分贓者准其免死減等照律收贖如雖係十五以下被脅入夥而該犯曾經分贓者及雖未分贓而實非被誘者免死減流已屬從寬應不准其收贖俟

命下之日永著爲例再該撫旣稱烏成兵審係買贓雖事後知情並未共謀上盜但容留陳子隆在家隱匿不報應將烏成兵照知情容留一人例杖一百徒三年事在

赦前例得邀援免罪王公玉止商行竊並未謀劫分贓但以爭產微嫌引

賊洩忿致陳子隆行劫姦污一杖未足蔽辜合依同居卑幼將引他人盜已家財物他人殺傷人者卑幼縱不知情亦依殺傷尊長從重論卑幼毆大功兄律應杖七十徒一年半至配所折責二十五板有干不睦之條不准援

赦已獲贓物經主認領未獲之贓于各盜家屬名下追賠逸盜唐二懸賞勒緝獲日另結等語均應如該撫所題完結奉

旨九卿定議具奏欽此該臣等會查得陳子隆係此案造意爲首又網姦事主兒媳烙傷事主父子李十馮四馮成佐王二網縛事主夫婦子媳李十又姦事主之媳均屬法所難宥應如刑部等衙門原擬將陳子隆李十均照強盜姦污人妻女例擬斬立決梟示馮四潘成佐王二均依強盜已行得財律擬斬立決至夥盜陳對上盜時年甫十四被脅入夥又未得贓經刑部等衙門據該撫援引卜弟等年幼爲盜

之案議以減流收贖照例聲明請著爲例臣等伏查強盜案內凡屬夥盜律應皆斬嗣經分晰情有可原定擬改遣已屬法外矜全但其中或有因年幼無知被人誘脅入夥者若與凡爲夥盜一例發遣似無差別如照卜弟等之案因其並未得贓旣與減流復准收贖則年幼爲盜之人仍得安居故土無所懲儆于法未免太輕臣等悉心酌議請嗣後凡聲明情有可原之夥盜內果屬年止十五以下審明實係被人誘脅隨行上盜者無論分贓與不分贓俱問擬滿流不准收贖如此則較之夥盜發遣者固已從輕而年少爲盜者不至脫然無罪群知警惕俟

命下之日永著爲例所有陳對一犯應請免死減等杖一百流三千里雖事在

赦前但查乾隆二年五月內刑部奏准免死減等盜犯俱不准其援赦遵照在案今陳對係強盜免死減等改擬流罪不便與凡犯流罪者一體邀

體邀

恩免罪應不准其援免餘仍照刑部等衙門原議奉

旨陳子隆李十俱着卽處斬梟示馮四潘成佐王二俱着卽處斬餘依議

因盜而姦

乾隆三年六月刑部會議覆陳阿壽等行竊錢龍家并強姦浦氏一案據蘇撫楊疏稱緣陳阿壽與打油陳二王二均係匪類各因犯案遇

赦援宥詎陳阿壽復又起意行竊糾約打油陳二等共夥五人攜帶紙煤鐵鑿潛赴事主門首陳阿壽撥門而進竊出衣服遁與打油陳二轉交王二接運下船陳阿壽復至卧房用紙煤晃亮因見事主之妻浦氏獨宿頓起淫心遂揭被蓋其頭面強行姦污浦氏欲喊陳阿壽扼住咽喉嚇禁聲張打油陳二聞聲進內擎氏之脚陳阿壽姦畢并抽浦氏所蓋之被同打油陳二遁回分贓而散關獲各犯屢審不諱將陳阿壽等擬以斬徒并聲明陳阿壽打油陳二王二陳壽髻子張賓侯尚于姦竊事主趙未之案有名應歸彼案完結等因具題應如該

無所題陳阿壽打油陳二均合依因盜而姦者不論成姦與否不分首從皆斬律擬斬監候秋後處決仍歸于趙未強姦周氏案內另疏題結其同夥行竊不知強姦情事之王二陳壽髻子顧東應照竊盜四人以上計贓遞加例各杖七十徒一年半刺字張賓侯合依知竊盜贓故買計所買之物坐贓論律笞三十事在乾隆二年四月十六日

恩詔以前均應免罪免刺王二陳壽髻子張賓侯及陳阿壽打油陳二王二之保人陳聖宇等均歸于趙未案內完結奉

旨依議

盜犯姦人妻室

雍正八年四月刑部會議覆盜犯曾希林等行劫黃安縣民劉萬紀家并行姦污一案據帶理巡撫印務湖督邁 疏稱查盜首曾希林與事主居住相近知劉萬紀家有牛隻米穀且獨居孤村起意行劫于雍正六年三月初八日先邀曾宜執令其轉約伊胞兄曾谷華及曾宗道三人俱各允從曾希林復訂于初五日夜在彭家學屋凹聚齊至期曾希林又誘胞弟曾四上盜同夥五人齊抵劉萬紀門首初次越牆進院即被事主驚喊奔出躲避曾希林將所帶尖刀砍伐松棍四根與曾谷華會宜執會四各執一根曾宗道執持鐵條曾谷華又取會希林尖刀攜帶同會希林復翻牆而入開門放會宜執會宗道會四進院會希林先同會宜執將事主院內茅柴點火復同會四擡院內柴頭撞斷門稍各盜一擁而進會宜執又將事主家竹埽燃

火會宗道會四在房外巡防會希林會谷華會宜執一同進房會谷華捉住事主劉萬紀會希林用所帶繩縛復棍毆劉萬紀右手指會谷華亦棍毆劉萬紀右臂膊又用繩細事主之妻劉氏因見劉氏下不掙落卽起淫心會希林會谷華會宜執各相繼輪姦已畢群盜始取牛隻米穀衣物等項仍由大門而出至彭家屋凹俵分而散嗣據會慎山赴縣出首胞姪會宗道會宜執不端經捕役拿獲會宜執訊明夥盜姓名陸續拿獲盜首會希林等歷審各認不諱事主傷亦平復將會希林擬以斬梟等因具題除會谷華取供後在黃安縣監病故會宗道在司監病故均不議外該撫旣稱會希林起意爲首又傷人行姦會宜執姦污人妻均法所難宥等語應如該撫所題會希林會宜執俱合依強盜姦污人妻不分會否得財律擬斬立決梟示再該撫旣稱會四並未傷人行姦且係聽從伊兄會希林指使限隨

上盜情有可原等語應將會四回上刺字僉妻解部發吉林烏喇酌給當差之人或給披甲之人爲奴已獲贓物給主未獲贓物將各盜家產變贖該撫旣稱監斃盜犯會谷華之管獄官係黃安縣典史陳引循監斃盜犯會宗道之管獄官係按察司司獄康大成再此案盜犯五名俱于黃安縣賈多男任內全獲以及此案解府逾限十三日之黃安令賈多男相應開列職名聽候部議等語查定例盜犯已經取供審明監斃四人以下者管獄官免議又定例官員將事件遲延逾限不及一月如事已完結者免議又定例承緝官將一案盜犯全獲者准其紀錄二次等語除黃安縣典史陳引循按察司司獄康大成俱止監斃盜犯一名黃安令賈多男逾限不及一月已經解府均照例免議外應將全獲本案盜犯之黃安令賈多男照例准其紀錄二次可也奉

旨會希林會宜執俱著卽處斬梟示餘依議 查會宜執雖係胞叔首報
但姦人妻室故不准首 會宜執雖屬首送亦作全獲

盜犯姦汚人妻女同夥俱梟示

康熙三十三年三月刑部會議覆蘇撫宋學疏稱吳玉林素知許仲
升家道頗殷糾趙子昌等同夥六人于康熙三十年八月二十五日
夜前往偷盜因事主驚覺未曾得贓次夜玉林等明火執械復至仲
升家搜劫銀衣等物玉林操刀嚇姦事主之妾負贓俵分而散陸續
拿獲趙子昌等三犯歷審情真除趙子昌取供後病故不議外吳玉
林擬斬立決梟示張四擬斬立決等因具題查律內凡強盜殺傷人
放火燒人房屋姦汚人妻女者不分會否得財俱照得財律擬斬立
決梟示並未定有強盜同劫止將姦汚妻女者擬斬立決梟示餘盜
立決不行梟示之處張四合改擬斬立決梟示奉

旨依議

夥盜未輪姦亦斬梟

康熙四十六年四月刑部會議覆強賊郭商鼎等行劫公安縣民劉仲明家一案據湖撫劉審擬斬罪具題查郭商鼎知劉仲明家豐裕起意行劫糾約黃惟夏羅四羅么陳大同夥五人于康熙四十四年十一月二十九日夜各執場叉等械羣至仲明屋傍商鼎羅四在外巡風惟夏羅么陳大撬門入室陳大羅么捉住仲明父母網拷燒烙惟夏陳大又輪姦仲明之妻楊氏劫得衣服等物分贓而散將郭商鼎等陸續拿獲歷審情真郭商鼎黃惟夏羅四羅么合依強盜姦汚人妻者不分會否得財皆斬梟示律均斬立決梟示已獲之贓給主未獲贓物將各盜家產變賠逸盜陳大嚴緝獲日另結奉旨郭商鼎黃惟夏羅四羅么俱著卽處斬梟示餘依議

夥盜未姦亦斬梟誤認盜犯之事主擬流

康熙五十年五月刑部會議覆強賊查時子等行劫興國縣民婦汪氏家一案據湖撫陳誥審擬斬杖具題查盜首吳隆子素知汪氏家資稍豐于康熙四十九年二月二十三日遇查時子商謀行劫是晚與查時子及時子之父查茂之各持扁担筐袋行至白沙口適遇徐天祐張繼述張則中亦邀入夥至事主家不遠茂之則中懼罪先回隆子等同夥四人三更時分撞開事主之門張繼述在外把風隆子先入時子天祐各點火把後進將汪氏輪姦各盜搜贓俵分而散汪氏火下悞認柯望九上盜指報于本年三月初八等日陸續將查時子等拿獲嚴審各盜堅供柯望九曾爲吳隆子邀約是真並未同行歷審情真除取供後在監病故之首盜吳隆子及取供後中途病故之夥盜查茂之均不議外查時子合依強盜姦汚人妻律應擬斬立

決梟示徐天佑張繼述亦應照此律擬斬立決梟示但徐天佑張繼述又行劫武寧縣程大生家案內有名應于彼案審明仍于此案立決梟示吳隆子邀約不行之柯望九懼罪先回之張則中合依強盜共謀不行又不分贓律杖一百各折責四十板但張則中先同徐天佑張繼述行劫程大生家案內有名應于彼案審明從重歸結柯望九責四十板其誣告柯望九爲盜之汪氏合依誣告人死罪未決律擬流係婦人照律收贖已獲之贓給主未獲贓物將各盜家產變賠監斃吳隆子之管獄官係江夏縣典史姚仁洪罰俸三個月奉旨查時子著卽處斬梟示餘依議

竊賊輪姦事主

乾隆九年六月刑部會議覆竊賊曹觀養等偷竊和平縣孀婦何氏家衣物復輪姦何氏一案據廣撫王 疏稱緣何氏有女工氏原嫁與黃德慧之子爲妻後因夫妻不睦黃德慧將王氏退回母家聽其改嫁索還原聘何氏將女轉嫁得財禮錢三十千文歸還黃德慧禮銀一十四兩黃德慧意欲多索何氏不允黃德慧懷恨于乾隆七年六月初二日往趁大利壩墟遇見曹觀養黃山羊牯同入店內沽飲談及貧難黃德慧遂告以何氏改嫁伊媳得有禮錢敎令行竊以洩已忿曹觀養等允從黃德慧去後曹觀養等隨糾得熟識之劉亞北黃亞三劉亞北黃亞三又轉糾熟識之吳石保曹日達各皆應允約定初五日晚在大利壩會齊至期曹觀養攜帶鐵牛角一把黃亞三攜帶吃烟香火一枝餘俱空手先後到齊同黨六人二更時分潛至

事主屋後留吳石保曹日達在外接贓曹觀養由後進廚房挖開牆孔同劉亞北黃山羊牯黃亞三進內先至前進廂房扭鎖進屋偷取衣帽布帳等物遞交吳石保等接收時因錢未入手復至何氏臥房曹觀養撬開房門轉取黃亞三手內香火同劉亞北進房摸錢不獲曹觀養摸至何氏枕邊何氏驚醒叫喊曹觀養以火搖亮照見何氏赤體臥床遂起意行姦取紙揉爛塞住何氏之口何氏之子王德田在床亦醒曹觀養卽令劉亞北將王德田拉進隔壁空房嚇令弗喊將門倒扣適黃山羊牯黃亞三亦進何氏房內曹觀養遂令黃山羊牯黃亞三分按何氏之頭與手脚曹觀養首先行姦劉亞北接續行姦曹觀養劉亞北替換按捺黃山羊牯黃亞三亦先後姦畢天已將明各犯不復尋錢曹觀養拾起香火與劉亞北等仍由原孔而出偕吳石保曹日達携贓奔至僻地俟分而散事主報縣緝獲賊犯曹觀

養等屢審供認不諱查例載強盜姦污人妻女不分曾否得財俱照得財律斬決梟示又律載竊盜臨時有拒捕及殺傷人者皆斬監候因盜而姦者罪亦如之各等語今曹觀養劉亞北黃山羊牯黃亞三等入房行竊見何氏赤身而臥卽紙塞何氏之口按捺何氏頭足并拉伊子關入空房其迹近強然用強以遂其淫慾之私並非用強以遂其攘奪之計與強盜而又行姦及先竊而又行強者不同未便遽照強盜姦污例斬決梟示但查定例輪姦之案審實俱照兇棍例分別首從定擬等語是輪姦首犯雖無鼠竊情事猶應斬決况曹觀養復重之以行竊未便照律僅擬斬候其輪姦從犯因無鼠竊情事故應絞候今劉亞北等已先行竊又未便照例僅擬絞候均應從重科斷將曹觀養依輪姦照光棍爲首例擬斬立決先行刺字劉亞北黃山羊牯黃亞三依因盜而姦律擬斬監候俱照例刺字吳石保等分

別擬杖等因具題應如該撫所題曹觀養除竊盜爲首輕罪不議外
合依光棍爲首斬決例擬斬立決劉亞北黃山羊牯黃亞三除竊盜
爲從輕罪不擬外均合依因盜而姦者皆斬監候律擬斬監候秋後
處決該撫既稱吳石保曹日達隨從行竊不知輪姦情事均合依竊
盜贓一兩至十兩杖七十爲從減一等律杖六十各折責二十板照
例刺字黃德慧教令行竊希圖洩忿合依教誘人犯法與犯法之人
同罪律應與行竊首犯同罪杖七十折責二十五板免刺各照例先
行發落練保王澧昌鍾斯科鄰佑盧亞吉住居隔遠救護不及應與
事主何氏王德田均先行摘釋各犯審無同居親屬知情分贓應毋
庸議現獲之贓已經給領未起之贓應查各犯家產變賠鐵牛角一
把驗明銷燬等語均應如該撫所議完結再該撫疏稱本案前因竊
夥輪姦將文武疎防開茶并聲明盜犯俱已全獲亦無竊線厚叅疎
防各官業准部咨免議再查定例地方被劫承緝官將一案盜犯全
獲者准其紀錄二次廳員協同緝拏三月內全獲一夥盜犯者亦准
其紀錄二次又定例嗣後有光棍結夥輪姦婦女孩童之案無論首
從脫逃不獲者照盜案例扣限叅處各等語今本案雖非強劫但因
竊輪姦是實輪姦之犯如有脫逃已照盜案例扣限則輪姦首從未
及半月俱已全獲亦似應照盜案例一體議敘所有承緝官係和平
縣典史茅庚前署和平縣事續補瓊山縣縣丞今已病故蔣繼寬督
緝廳員係惠州府糧捕通判金炳協拏武職專汛係和平營把總巫
秀相應開報聽候部議等語查定例光棍結黨輪姦婦女之案無論
首從脫逃不卽弋獲者該督撫于報官之日照盜案例扣限題叅到
部照道路村庄被劫之例議處並無限內全獲照盜案一體議敘之
條應將該撫所請承緝和平縣典史茅庚等議敘之處毋庸議協拏

武職專汎和平營把總巫秀議敘之處亦應毋庸議奉
旨曹觀養着卽處斬劉亞北黃山羊牯黃亞三俱依擬應斬著監候秋後
處決餘依議

放火圖搶未經燃燒

乾隆二年正月刑部覆據川撫楊 咨稱積賊董元臣等圖財放火
未燒一案查董元臣與李宏仁俱係慣行鼠竊曾經犯案刺字于雍
正十三年十月內復夥同搶奪劉茂衣物經成都縣問擬杖徒蒙
恩赦釋放在案乾隆元年三月初七日乘省城東門大街失火董元臣糾
同陳子元在街搶獲被褥衣衫是夜又同陳子元偷故客店內羊皮
并靴鞋等物三月初八日夜元臣又與宏仁偷竊不認得姓名人家
布皮袄一件四月初五日夜元臣又同余謙偷竊茶客楊瑞玉蚊帳
衣服俱各先後賣與李加修等及過路之人得錢俵分元臣猶以零
星偷竊獲贓無多不如放火圖搶于四月初六日遂起意商謀李宏
仁允從元臣以火燃紙煤遞給李宏仁路過仇文凱門首宏仁將火
煤擲于仇文凱草房上適鄰佑鍾一望出街目覩卽忙取下未及燃

燒當被兵役追趕拏獲屢審供吐無異將董元臣擬以軍徒等因前來董元臣合依積匪猾賊例僉妻發邊衛充軍至配所杖一百折責四十板李宏仁合依爲從減一等律徒三年至配所杖一百折責四十板陳子元合依搶奪財物爲從律徒二年半至配所杖九十折責三十五板余謙合依竊盜贓一兩以下爲從律笞五十折責二十板均刺字李加修陳元凱李洪道合依知竊盜贓故買者坐贓論律一兩以下笞二十遇熱審李加修等均免罪陳元第審不知情無庸議董元臣等所得贓銀照追分別入官給主各犯並無窩家及同居親屬兵役鄰佑已經給賞均毋庸議仍令該撫于年底彙題可也

強盜放火燒死事主

雍正十二年七月刑部會議盜犯曹二等行劫鹿邑縣胡雲行家一案據河督王 疏稱緣盜首曹二曾在事主胡雲行莊上乞食探知胡雲行家有銀錢起意行劫隨約夥盜王成張二吳二段四禿子梅三尹牛楊二嵇大各皆依允雍正九年十一月初七日晚均至陳家堂破廟取齊共夥九人分執刀杆鐵尺等械二更時分齊抵胡雲行莊上尹牛用王成鐵尺將犬道挖孔鑽入開其大門吳二梅三楊二段四禿子在外把風餘盜進院曹二持火照亮胡雲行之子胡國定持鎗開門抵禦張二用杆打折鎗杆并打傷胡國定右手戳傷肚腹胡國定畏懼閉門不出張二將門扣住卽在門外把守王成持磚打堂房門胡雲行開門持刀向外亂砍傷及王成頭顱王成退回胡雲行之妻張氏奔出躲避王成執持鐵尺復欲入室又被雲行砍傷手

指并將所持鐵尺砍落于地各盜不能進內尹牛取院內秫稽點火擲入焚燒房舍胡雲行用刃抵拒稽大用馬叉扎傷胡雲行頭顱王成又將院內鐵欵打開窻門因見火起各盜仍由大門奔逸並未得賊胡雲行被火燒死嗣經沈邱縣關送曹二王成復經商邱縣陳州獲解張二吳二梅三續獲段四禿子到案歷審不諱將曹二王成張二吳二段四禿子梅三俱擬以斬梟各照例面上刺字等因具題查該撫既稱曹二王成各行劫三次張二打傷事主均屬悍惡克暴等語應如該撫所題曹二王成張二俱合依強盜殺人放火燒人房屋不分會否得財律擬斬立決梟示曹二王成行劫僧人傳敬廟內並時和家之案已據該撫審明具題臣部等衙門現在另疏題覆應將曹二王成張二即行斬決梟示仍於曹二王成各彼案行劫處所張掛告示諭衆知之該撫既稱吳二段四禿子梅三隨從把風不知放

火焚燒情事俱情有可原等語應將吳二段四禿子梅三均免死減等僉妻解部各照例面上刺字咨送戶部遵照雍正十年八月二十六日題定發往齊齊哈兒等處兵丁爲奴種地燒燬房屋衣糧等物將各盜家產變賠脫逃傷人夥盜稽大及放火夥盜尹牛夥盜楊二應令該撫務獲另結該撫既稱覆訊各盜再無行劫別案亦無窩家及同居親屬鄰佑高言聞聲起救事主居住僻村並未設有防兵至陳州及高邱沈邱二縣拿獲鄰境盜首及夥盜之捕役已經該縣分別照例給賞等語均應毋庸議再該撫疏稱除陳州于一月後拿獲鄰境夥盜梅三一名例不議叙及沈邱縣于一月後拿獲鄰境盜王成係行劫時和家案內盜首職名已于彼案開報外其于一月內拿獲鄰境盜首曹二一名係沈邱縣知縣劉謙一月後拿獲鄰境夥盜張二吳二二名係商邱縣知縣張受長各職名相應聲明聽部議

叙等語查定例州縣官有能于一月內拿獲鄰境案內盜首者加一級紀錄一次又定例鄰境地方官有能拿獲別案內夥盜者每按二名紀錄一次等語應將拿獲鄰境首盜一名之沈邱縣知縣劉謙照例准其加一級再紀錄一次獲鄰境夥盜二名之商邱縣知縣張受長照例准其紀錄一次奉

旨曹二王成張二俱著卽處斬梟示餘依議

去棄火毬延燒茅寮亦作放火

乾隆元年四月刑部會議覆廣撫楊 題盜犯廖十二卽羅朝熙等行劫高要縣屬谷民梁文輝香粉寮一案查盜首廖十二稔知梁文輝粉寮有錢雍正十二年正月十二日與廖宗德同坐談及貧苦廖十二卽以梁文輝粉寮有錢告知起意商量找黨行劫廖宗德應允各卽輾轉糾約謝柴四梁簡華郭永兆陳光珉陳廷士陳紹綱陳宗一陳象交譚顯明莫會周陳文卓約定十四日下午在珠孖山聚會至期各盜携械并帶乾糧先後畢集陳象交又於途中撞遇陳亞四借稱免其幫挑稻穀誘令同往共黨一十四人傍晚起行陳亞四畏懼中途逃回廖十二等一十三人二更時分直抵事主門首陳象交郭永兆廖宗德莫會周譚顯明陳光珉在外把風陳廷士陳文卓在外接駐陳宗一陳紹綱用刀棍撬開寮門廖十二將所帶火鑪煤石

敲火燃點油毬同梁簡華謝柴四共五人入寮搜劫梁簡華謝柴四
搜取竹筴一個扛擡而出事主男婦工人驚起拒敵廖十二丟落火
毬用鎗戳傷工人蕭國先左脚膝肋并連傷事主之父梁可仁左腿
三傷又戳傷事主弟婦朱氏左手及事主之妻蕭氏左肩膊復扯奪
蕭氏銀耳環一對致傷兩耳陳宗一亦用木棍打傷事主梁文輝脊
背并喚同陳紹綱將所帶山藤細縛梁文輝及蕭國先兩手工人陳
元上向前解救陳紹綱用柴刀割傷陳元上左手腕時因火毬燃着
地上乾草延燒茅寮廖十二等未及搜賊連忙趨出奔至村外將簣
內衣物取出即將現銀錢債分餘賊交廖十二陳文卓曹錢再分各
卽散踪嗣據陳文卓抱贓投首供出盜首夥盜姓名陸續緝獲廖十
二等到案屢審各認不諱事主男婦工人傷俱平復將廖十二等擬
以斬杖免罪等語具題除夥盜莫會周在南海縣監病故不議外該
撫既經廖十二爲首找黨又復傷人陳紹綱陳宗一各亦傷人及復
細縛事主均爲法所難宥等語應如該撫所題廖十二陳紹綱陳宗
一均合依放火燒人房屋不分會否得財例擬斬立決梟示其該撫
擬以情有可原之廖宗德陳家交陳廷士謝柴四梁簡華郭永兆譚
顯朋陳光珉均係聽找入夥並未傷人各止行劫一次應俱免死減
等僉妻解部面上刺字咨送戶部遵照雍正十三年閏四月二十八
日改發往三姓地方賞給八姓一千兵丁爲奴種地查康熙六十一
年十一月二十日恭遇

恩赦凡免死減等發遣盜犯俱援赦免罪在案今廖宗德等八犯事犯在

雍正十三年九月初三日

赦前相應免罪奉

旨廖十二陳紹綱陳宗一俱著卽處斬梟示餘依議

棄火草堆延燒牛欄

雍正十三年三月刑部會議續獲行劫靈山縣民梁應朝家牛隻一案內盜首方萬選一案先據陞任廣撫鄂 疏稱盜首方萬選探知梁應朝家畜有牛隻起意行劫于雍正七年三月初五日商同方扶登分頭找黨方萬選找得方扶宗方扶登找得潘扶應潘扶宋潘扶顏約定初八日在方扶登家聚會至期方扶登又令伊子方亞三人方亞八入夥共黨八人持械畢集二更時分齊至事主門首方扶登方亞三方亞八潘扶宋在外把風方萬選卽至牛欄門首用木棍撬開竹門與方扶宗潘扶應潘扶顏齊擁入欄方萬選持火煤照亮方扶宗掠取蚊帳夾被同各盜牽牛四隻出門適事主之父梁國安醒覺而出方萬選用棍擊傷梁國安額顛梁國安躲避各盜牽牛而出方萬選將火煤丟落草堆延燒牛欄茅屋各盜奔回方扶登家將

舊爛帳被焚燒滅跡方扶宗趕牛往墟賣銀一十一兩五錢俵分而
散梁國安傷經平復陸續緝獲方扶登等審明將方扶登方亞三方
亞八潘扶應潘扶顏潘扶宋方扶宗均擬以斬梟等因具題經臣部
等衙門議覆將方扶登照強盜已行得財律擬以斬決方亞三方亞
八潘扶應潘扶顏潘扶宋方扶宗均免死減等發遣脫逃盜首方萬
選行令勒緝務獲審擬且題准結在案今據該撫疏稱續獲盜首方
萬選歷審供認爲首起意找黨行劫傷人分贓又丟火延燒欄屋悉
與先獲方扶登等原招脗合其爲本案盜首無疑將方萬選擬以斬
決梟示等因具題查該撫既稱方萬選係爲首起意下手傷人放火
延燒欄屋誠爲法所難宥等語應如該撫所題方萬選合依強盜放
火燒人房屋延燒欄屋不分會否得財律擬斬立決梟示再該撫疏
稱拿獲鄰境盜首例應議叙今本案盜首方萬選係廣西宣化縣拿
獲移解所有應請議叙職名已移咨廣西撫臣侯查明咨部議叙等
語應俟廣西撫臣查明到日再議奉

旨方萬選着即處斬梟示餘依議

強盜失火免梟

康熙二十五年七月刑部會議覆浙撫金 咨開強盜吳四等同夥一十六人于康熙二十四年六月初六日夜行劫仁和縣鄉民王士元家劫得衣服等物巡火焚房吳四等合依強盜放火燒人房屋者不分會否得財皆斬梟示律立決梟示但據該撫又稱吳四等遺火焚房與放火有間等語吳四等均應免其梟示合依強盜已行得財律皆斬立決奉

旨依議

野賊焚燬擄劫

康熙二十二年三月兵部覆據廣督石琳疏稱新寧鄉民陳文瑚等家於三十一年二月十六日夜被賊將刀鎗等械行劫殺死三命擄去男婦三名被傷四名等語查各賊既持刀鎗等械劫擄男婦殺傷民人不便照村庄失事例議應照野賊焚燬鄉村劫擄男婦殺傷兵民例將帶汛官革職兼轄官降二級調用統轄總兵官降二級戴罪圖功提督降一級戴罪圖功文官向無此例今亦照兵部例議將帶汛之巡司典史知縣等均革職同知巡道均各降二級調用總督石琳有統轄全省兵馬之責罰俸一年奉

旨依議

親見慘殺事主四命焚燒一門之盜犯俱正法

雍正六年六月刑部會議得盜犯矣里等行劫法都寨姦民老墨家一案先據滇撫楊 疏稱盜首老長與博宣往來老墨之家疑老墨家有資財遂起意與博宣商謀行劫糾得矣里矣哈矣掌矣問矣浪矣猶共夥八人雍正四年二月十三日晚齊至老墨家誑稱投宿飯後吃烟起釁老長抽刀戳老墨咽喉腰眼博宣持刀戳老墨右血盆骨登時殞命老長等搜取衣被等物併馬匹交給矣里等先行老長博宣又回逼老墨之妻同行不允老長即將老墨之妻殺死又擯打大女幼女俱各斃命放火將屍一併焚燒奔至箐口田壩分贓而散據緝獲該犯等歷審各認不諱將矣里矣哈矣掌矣問擬以斬梟併聲明矣里將事主毆打暈倒法所難宥矣哈矣掌矣問均係被誘入夥併未動手殺人放火情有可原等因具題經臣部等衙門以老長

等同夥八人前往老墨家行劫老長博宣先將老墨殺死搜劫物件復又回逼老黑之妻同行不允將老墨之妻殺死又毆斃其大女幼女將屍放火焚燒一家四命俱遭慘殺此等盜犯兇惡已極而盜首老長夥盜矣浪矣猶俱脫逃博宣又經病故僅將毆暈事主之矣里稱為法所難宥矣哈等被誘入夥情有可原結案情罪殊未允協况矣問初供我見老長將老墨殺死先跑出來了有老長博宣矣哈在後不知是誰放火等語是老長毆死老墨妻女之時矣哈尚在其旁何得竟稱尚未動手承審各官並不嚴行究審實情一任伊等狡供卸罪事關兇盜未便率結應令該撫另委賢員將矣里矣哈矣問矣掌逐一嚴行質審明確妥擬具題等因題駁去後今據雲南巡撫朱疏稱盜犯矣問矣掌雖據供稱並未動手殺人但矣問矣掌俱係一同上盜分贓親見慘殺老墨等四命焚燒一門之盜犯若非伊等

當肅羽助惡老長博宣矣哈僅止三人何敢如此慘殺放火焚燒此案實與尋常強盜不同矣問矣掌俱未便以被誘入夥情有可原為其開脫將矣問矣掌擬以斬梟等因具題除博宣矣里矣哈在監病故不議外矣問矣掌俱應如該撫所題合依強盜已行得財律俱應斬立決仍照殺人放火燒人房屋例梟示其脫逃之盜首老長夥盜矣浪矣猶應令該撫着落印捕各官設立賞格勒限嚴緝務獲審擬另結前任署巡撫楊 審斷不明妄擬情有可原已於別案擬罪按察司江芑已經別案革職均無庸議外應將未經審出實情之開化府知府丁棟成照例降一級調用奉

旨矣問矣掌俱著即處斬梟示丁棟成着降一級從寬免其調用餘依議

省城連被竊劫處分臬司巡撫

雍正七年十月吏部議得兵部咨稱原署江撫張 疏稱本年閏七月初一日夜南昌府知府許鎮署中被賊偷竊初二日夜驛鹽道魏錫祚署又被盜劫臣查竊盜無疎防之例即強盜疎防亦應四個月查叅但此省城官署連夜竊劫地方官所司何事未便仍循舊例應將新建縣典史高寬等指叅盜案疎防無臬司並叅之例但該司身任江臬不能弭盜咎亦難辭理合將胡瀛一並開報至臣署理巡撫駐劄省城不能督率屬員巡查防護以致官署連夜失事罪亦難逭伏乞

皇上將臣一併交部嚴加議處等因前來除疎防之新建縣典史高寬等仍俟兵部將武職彙題到日再議外查巡撫臬司係城內大員今同城官署連夜竊劫其平日不能督率巡查嚴行約束咎亦難辭查本

年五月內江督范時繹因江寧省會門軍勒索並城內連夜被盜自行題奏臣部將范時繹照約束不嚴例議以降一級調用具題奉旨范時繹著降一級從寬留任欽此欽遵在案應將江西臬司胡瀛署撫已回內閣學士張坦麟亦照約束不嚴例各降一級調用查胡瀛張坦麟俱有加一級應各銷去加一級抵降一級免其調用可也奉旨依議

城內行劫雖未得財按律梟斬

康熙四十二年六月九卿會議覆強盜俞大等行劫上元縣城內居民葉德馨家未得財一案據蘇撫宋犖將俞大等審照干係城池律擬斬立決梟示等因具題刑部等衙門將城內行劫未傷人未得財之盜犯俞大等充發黑龍江等因議覆具題奉

旨九卿詹事科道會議具奏欽此查強盜俞大等在上元縣城內行劫不便將伊等發黑龍江應照該撫所題將俞大劉漢祥大漢陸禿子唐一德巴二達子合依強盜打劫干係城池不分曾否得財俱斬梟示律均應斬立決梟示此內另戶人解部正法餘仍照刑部等衙門前議可也奉

旨俞大劉漢祥大漢陸禿子唐一德巴二達子俱著即處斬梟示餘依議今應聲明難宥可原具題

响馬案內分贓不行之首盜照律斬決

康熙三十八年九月刑部會議覆响賊秦守雲等行劫邱廷章等一案據直撫李光地審擬斬杖具題查賊犯牛斗起意欲沿途劫奪隨借張二傍弓箭撒袋與秦守雲秦世程同夥三人俱騎馬帶械于康熙三十七年七月二十三日道過懷安牛斗先往覓店守雲世程在後行至橫塘地方見邱廷章等携有銀物隨架弓提刀盡行劫奪迨至歇店盡歸牛斗收藏公同花費于八月十一日秦守雲等拿獲歷審情真造意之牛斗合依強盜分贓而不行斬律應斬立決秦守雲不分人數多寡會否傷人處決于行劫之處梟示律均應斬立決梟示張二傍合依強盜共知謀情不行又不分贓者杖一百律應杖一百折責四十板留歇秦守雲等之蘇登舉合依不應重律杖八十折

責三十板已獲贓物給主未獲贓物將各盜家產變贖奉
旨牛斗著卽處斬秦守雲秦世程俱從寬免死照例減等發與黑龍江新
滿洲披甲之人爲奴務期嚴押解到餘依議

嚮馬強盜案內同行不知情不動手者照搶奪傷人爲從擬流

康熙三十四年四月刑部會議覆嚮賊李良佐等截劫行客楊大行
等一案據直撫沈朝聘審擬斬梟具題查李良佐因擬移家眷無錢
遂與陳四商謀于康熙三十三年閏五月十四日各騎馬帶械良佐
令伊工人閏黑兒等趕車隨行適因拉車之馬斷套遂令黑兒驛騎
同行于肅寧縣馮家村南遇行客楊大行良佐射傷大行劫得布疋
等物又于王家村南劫得陸進福被奪青錢良佐當經被獲歷審情
真李良佐合依嚮馬強盜執有弓矢軍器白日邀劫道路贓証明白
不分人數多寡會否傷人依律處決於行劫處梟示律應擬斬立決
梟示閏黑兒兩次截劫時騎馬隨行亦應斬梟但閏黑兒係李良佐
工人並未共謀截劫時又未動手閏黑兒合比照凡白晝搶奪人財
物傷人者首斬爲從減一等律應擬流李良佐之主劉三應照例鞭

五十逸賊陳四嚴緝獲日另結原贓給主賊馬腰刀等物入官拿獲
 強盜之張世琦照例給賞奉
 旨李良佐著卽處斬梟示餘依議

騎馬無弓矢軍器止照強盜免梟并獲賊一人先行審結

康熙三十九年五月刑部會議覆袁福昌等截劫行客邢國瑞一案
 據直撫李光地審擬斬罪具題查賊犯三達子阿廩剝虎力三人會
 欠福昌賭錢于康熙三十七年十一月初六日福昌途遇三達子索
 討三達子邀其往良鄉縣償還次日三達子阿廩剝虎力袁福昌四
 人各騎馬匹行至蘆溝橋五里店地方適見邢國瑞南歸阿廩倡謀
 截奪福昌等遂上前齊劫國瑞行囊依分而逸迨官兵追擒三達子
 等脫逃止獲袁福昌歷審情真查四人雖經騎馬行劫然未執有弓
 矢軍器與嚮馬有間袁福昌應照強盜得財律擬斬立決等語袁福
 昌合依強盜已行得財者不分首從皆斬律應擬斬立決係另戶人
 照例解部正法現獲之贓給主未獲贓物俟獲逸賊三達子等追賠
 馬匹皮張變價給主逸賊三達子阿廩剝虎力嚴緝獲日另結奉

袁福昌從寬免死照例減等發往黑龍江當差務期嚴押解到餘依議

刑部議 卷十八 六

天未明時嚮馬仍照白日并持械步行止擬強盜

康熙三十九年十二月刑部會議覆張三等截劫崔九才等一案據直撫李光地審擬斬流杖罪具題查張三劉陝西王進高俱與張三煥同相交易往來住宿張三煥房主方自成家自成貧難度日遂與張三劉陝西王進高商謀令伊等截道于康熙三十九年三月十三日天未明時張三騎馬帶弓箭腰刀劉陝西王進高持棍步行三人同至通州高紀庄道上適遇崔九才等林檎車輛劫取驢衣而散未及分贓旋被拿獲歷審情真除王進高取供後病故不議外張三合依嚮馬強盜執有弓矢軍器白日邀劫道路贓証明白俱不分人數多寡曾否傷人依律處決于行劫去處梟首示衆律應立決梟示劉陝西無馬匹弓矢合依強盜已行得財者不分首從皆斬律應斬立決方自成合依強盜窩主造意不行又不分贓者杖一百流三千里

律應僉妻流三千里至配所折責四十板張三煥雖不知情但與匪類交往合依不應重律杖八十折責三十板盜犯劉陝西係何二于定例之後白契所買之人伊主應毋庸議倒斃馬皮等物變價入官已獲驢頭衣服給還事主奉

行張三著卽處斬梟示劉陝西從寬免死照例減等發與黑龍江新滿洲披甲之人爲奴務期嚴押解到餘依擬

嚮馬中有不騎馬匹止騎驢持械依強盜免梟

康熙四十年正月刑部會議覆賊犯唐述等截劫王學文銀兩拉車騾驢一案據直撫李光地審擬斬罪具題查唐述同王二等共七人至開州順河集上唐述見王學文車載口袋諒有銀錢起意截劫同楊少宇王成路劉二王二千康熙三十八年十一月初二日各騎馬騾攜帶腰刀鐵尺尾車而行更餘時候至沙窩村漫地截劫銀兩馬文第馬三趕驢帶刀後至亦同卸車上騾驢而逸于十二月初五等日將唐述等陸續拿獲歷審情真唐述楊少宇王成路劉二俱合依嚮馬強盜執有軍器邀劫道路賍証明白俱不分人數多寡會否傷人依律處決于行劫去處梟首示衆律應擬斬立決梟示馬文第馬三合依凡強盜已行得財者不分首從皆斬律均應斬立決已獲之賍給主未獲賍物將各盜家產變賠買賊騾之張大禿該撫旣稱俟

提到審明應俟審明到日再議逸賊王二嚴緝獲日另結奉
旨唐述著卽處斬梟示楊少宇王成路劉二馬文第馬三俱從寬免死照
例減等發與黑龍江新滿洲披甲之人爲奴務期嚴押解到餘依議

逃人爲盜係住同主旅人家內卽往來民家亦係旅人引誘且此
方官已自行拿獲免議

康熙三十九年十一月刑部會看得強賊崔二等截劫行客鞏才有
等一案據直撫李 審擬斬流具題前來查崔二與蕭四係同主旅
人崔二逃至蕭四家居住蕭四倡謀截劫崔二與范禿子于康熙三
十九年二月二十二日各騎馬匹執腰刀弓箭至段村地方遇鞏才
有等帶有行李截劫得贓卽往黃文舉家藏匿分與贓物打探未發
仍回蕭四家下分贓迨崔二持贓當錢于本年三月初九日爲鄉長
高貴盤獲送縣又范禿子之父范名義究知伊子入夥行劫將范禿
子拿首到縣歷審情真崔二合依嚮馬強盜執有弓箭軍器白日邀
劫道路贓証明白俱不分人數多寡會否傷人依律處決于行劫處
梟首示衆律擬斬立決梟示蕭四合依強盜窩主造意身雖不行但

分贓者斬律擬斬立決再該撫疏稱范禿子應免罪等語查賊犯崔
 二被盤獲送縣研審之時范名義始將伊子范禿子拿首范禿子合
 依知人欲告自首減罪二等律杖一百徒三年係旂人解部枷號四
 十日鞭一百黃文學合依窩藏強盜三名以上坐家分贓者充軍律
 發邊衛充軍係旂人解部枷號三個月鞭一百已獲贓物給還事主
 未獲贓物將各盜家產變賠賊馬一匹變價入官崔二係逃出為盜
 伊主亦無庸議蕭四之主榮寶應照例鞭一百但年未及歲又范禿
 子之主鎖住妻係寡婦俱照例收贖再該撫疏稱崔二雖係逃人在
 于同主家人蕭四家住係任邱縣拿獲即往來黃文學家亦係蕭四
 引送窩留例應免罪地方官亦無失察之咎應無庸議奉

旨崔二著處斬梟示蕭四亦即處斬餘依議

行劫糧船照江洋大盜梟示

康熙五十年七月刑部會議覆強盜夏大等行劫臨清後幫馬其豹
 糧船并砍傷事主一案據直撫趙弘燮審擬斬罪具題查盜首陳二
 躡知馬其豹殷實起意行劫糾約夏大范五高二商二楊二劉二戴
 二張二同夥九人於康熙四十九年五月十三日夜各盜分執斧棍
 等械齊至事主船所夏大商二高二在外把風陳二楊二劉五戴二
 范五張二進船范五砍傷事主搜取衣錢等物分贓各散事主傷經
 平復于本月十七日將陳二等拿獲歷審情真除楊二陳二劉五戴
 二取供後病故不議外夏大范五高二合依強盜已行得則律
 均應斬立決但查盜犯羅七等行劫吳文耀等客船之案安撫葉九
 思題請嗣後遇有江上行劫大盜俱照嚮馬之律梟首懸示臣部議
 覆具題奉

旨依議欽遵通行在案今夏大范五高二高一行劫馬其豹糧船雖非江上行劫但糧船關係重大應照羅七之例擬斬立決于行劫處所梟首示衆已獲贓物給主未獲贓物將各盜家產變賠逸賊張二并知情收執當票之曹鬍子嚴緝獲日另結監斃楊二等四名之通州吏目李鼎銓照例罰俸一年承審監斃楊二等四名之通州知州王友直照例罰俸三箇月奉

旨夏大范五高二高一俱著卽處斬梟示餘依議

江上行劫照響馬治罪

康熙五十年四月刑部會議得續獲羅七係行劫吳文耀等客船案內首盜先據安撫葉九思疏稱脫逃首犯羅七係荊州右衛糧船舵工裝載截留漕米至江寧交卸開船回空假以購買木料糾集江子福張三周子成方連阮七王二尹子玉程起鳳王大鼻于黑皮張三程起龍馬回子高跑朱大同夥十五人康熙四十七年七月初一日探知吳文耀等客船携有重資羅七卽起意行劫于初二日船泊舊縣鎮三更時分羅七手持板斧率領分執器械前去登吳文耀等客船劫取財物俵分而散於四十七年七月初八日陸續拿獲江子福等八盜除程起龍取供後病故外將江子福等擬以斬罪具題本部等衙門議覆奉

旨江子福張三周子成方連阮七王二朱大俱著卽處斬餘依議欽遵在

案今據安撫葉九思疏稱康熙四十九年閏七月准楚省將盜首羅七拿獲移解歷審不諱將羅七擬以斬決具題羅七合依強盜已行得財律應斬立決未獲之賊將盜產變賄逸盜尹子玉程起鳳王大鼻子黑皮張三馬回子高跑緝獲另結再該撫疏稱糧船窩盜行劫押運失察職名題明行令楚省題叅在案等語據此應令該撫移咨湖撫作速查叅再該撫疏稱江洋大盜糾集匪類劫掠行舟兇狠已極水路強盜與陸路響馬無異律開凡響馬截劫俱不分人數多寡會否傷人依律於行劫處梟首示衆等語臣請嗣後遇有江上行劫大盜俱照響馬之律梟首懸示江干庶奸人見而驚懼等語應如該撫所請嗣後如有江上行劫強盜俱照陸路響馬律梟首懸示俟命下之日通行直隸各省遵行其羅七亦應於行劫處所梟首示衆奉旨羅七著卽處斬梟首餘依議

江上行劫

雍正七年閏七月刑部議覆福撫劉 疏稱盜首余振周與孫貴貴素相熟識余振周起意出洋搶劫哄招孫貴貴往海釣蠟雍正五年九月二十日在海邊偷放不知姓名小船一隻暗藏棍耙等械撐至閩安鎮復哄招王孟文隋華華董典灑龔昌書前往釣蠟同夥六人是晚由曲蹄浦草尾出口二十一日五更時候在牛尾地方適遇林轉弟趕鮮魚船余振周爲首起意搶劫孫貴貴等允從余振周執舵攏船孫貴貴等分執棍耙等械過船吆喝林傳弟等躲匿艙艙各盜將船內銀錢米布等物搬搶過船卽在船上依分惟原錢尙未解開時因天明事主望見賊船喊同釣蠟二船幫追余振周等將器械并米布丟棄水中其錢仍放在船各盜棄舟鳧水由官嶺登岸入口散駁事主趕到將錢携回赴縣呈報陸續拿獲余振周等歷審不諱將

孫貴貴等俱擬斬決刺字等因具題除盜首余振周取供後病故不
議外該撫既稱孫貴貴等執械過船行劫分贓均屬法所難宥等語
應將孫貴貴王孟文隋華華董典灑俱合依江洋行劫大盜例擬斬
立決梟示各盜所劫錢文已經事主收回毋庸議未獲贓物將各盜
家產變賻盜船一隻變價入官逸盜龔昌書緝獲另結定例奸船出
入海口若遇失事將守口官罰俸一年等語並無因公出境免叅之
條應將失察出口之閩安鎮巡檢邱紹文閩縣典史徐霖署知縣劉
弘略失察入口之東岱司巡檢羅開勳連江縣典史嚴慎知縣蔣廷
重均照例罰俸一年又定例內盜由海口以內出洋將失察守口武
弁照海洋失事初叅之例降一級留任本案如有逸盜勒限一年緝
獲開復限滿不獲照所降之級調用各盜行劫之後混冒入口守口
官失于覺察者仍照定例罰俸一年等語應將失察草尾出口之閩
安協左營把總鄭連雲照例降一級留任緝盜獲日開復失察官糧
入口之連江營把總官日高罰俸一年又定例盜犯已經審明取供
後監斃四人以下者管獄官承審官俱免議等語應將監斃余振周
之連江典史嚴慎知縣于沛俱免議奉
旨孫貴貴王孟文隋華華董典灑俱着卽處斬梟示餘依議

大夥洋盜連劫九次

雍正七年閏七月刑部議覆洋盜馬阿五等在洋肆劫商漁船隻一案先據福撫常 審題到部臣部以馬阿五等輾轉糾夥四十二人各出籐牌鳥鎗等械分坐船隻出口在洋一月有餘連劫商漁船九次并搶擄客商陳元興等水手張青等過船此等大夥洋盜該撫僅將馬阿五等七人照例定擬其鄭阿育等十七犯俱稱被誘入夥情有可原朦混具題不便率結應令該撫另委賢員詳審妥擬并將草率定案之承審轉詳各官及朦混具題之巡撫題叅等因題駁去後今據該撫劉 疏稱緣林阿妹起意出洋行劫輾轉糾約馬阿五林元標林時于洪阿貴林阿尾林阿盛黃阿郎林阿大林阿朝林阿發林阿千李魁文蔡阿殿張阿卯林阿貴林阿楚張阿群劉阿八潘阿保辜大眉紀阿順馬阿日許士烈許阿弘戴阿壽林二貴二十七人

于雍正四年十一月十六日各帶糧食刀械在粵省惠來縣棉湖賽草庵會齊潛往海豐縣爲之甲子澳林阿妹等于中途又哄騙李阿烏林天予馬阿進陳亞鄰林阿立陳阿肥許阿日鄭阿育陳阿尾陳阿祿李阿建陳阿剛陳阿孝鄭阿愛陳阿祐隨分坐阿祐小漁船二隻共四十二人出口十七日在甲子澳口刮芮合利盞魚船各盜換坐其船將原坐魚船擊沉二十五日在將軍澳洋面刮不知姓名猪蚶船擄其猪蚶人船放回十二月初一日在將軍澳又刮陳元興空船擄元興過船仍令其船跟駛旋被風飄散初四日在將軍澳又刮不知姓名麥布船掠其麥布人船放回初九日在鎮海外洋刮鄭得勝豆船搜其銀衣人船放回十六日在寮羅外洋刮吳合興糧船搜其銀衣擄其水手張青一人其船遇風駕回同日又刮吳得勝豆船掠其銀衣擄吳得勝及水手陳全陳策三人將船放回又刮林進興

并張隆盛二豆船掠其銀衣擄進興過船各盜將所刮之銀物俵分林阿妹又撥黃阿郎林時千鄭阿育杯阿大許士烈五人押坐林進興船內不期被風飄散林阿妹等船十六日遇哨船追逐放砲傷死張阿群劉阿八潘阿保三人林阿妹亦被砲傷各盜駕船逃至廣東烏塗地方將器械丢水登岸散夥被擄之張隆盛及水手人等一并放回黃阿郎等船飄至大坦汛事主密報汛弁擒獲解送水師提督供出同夥姓名移咨粵省全鞫解閩經前撫臣常 審題奉准部駁逐一研訊馬阿五等供認糾夥出械在洋行劫不諱惟鄭阿育等咸稱係被林阿妹中途哄騙迫脇入夥並非同在棉湖賽會齊質之馬阿五等衆供僉同將馬阿五等擬以斬流等因具題除砲傷身死之張阿群劉阿八潘阿保中途病故之陳阿祿取供後在福州府監斃之林阿妹辜大眉李阿建陳阿剛許士烈林二貴在侯官縣監病故

鄭阿愛紀阿順馬阿日在閩縣監病故之陳阿孝許阿弘陳阿祐戴阿壽均不議外該撫既稱馬阿五林元標林時千俱各招夥洪阿貴出銀買米林阿尾林阿盛各出鳥銃黃阿郎出竹篙鎗各存心劫掠其前列入可原內之林阿大等九犯均至棉湖寨會齊出洋搶劫實屬知情上盜均法無可貸等語馬阿五林元標林時千洪阿貴林阿尾林阿盛黃阿郎林阿大張阿朝林阿發林阿千李魁文蔡阿殿張阿卯林阿貴林阿楚合依江洋大盜例擬斬立決梟示該撫又稱鄭阿育等八犯悉係中途被哄入夥強脇分贓確屬情有可原等語應免死減等僉妻解部面上刺字咨送戶部將鄭阿育李阿烏林天予發吉林烏喇林阿立陳阿擲陳阿肥發寧古塔許阿日馬阿進發白都諾給披甲人爲奴該撫又稱陳阿尾係潘阿保引誘在船並未分贓等語陳阿尾依強盜已行不得財律僉妻流三千里至配所責四十板現獲之贓給主未獲之贓應令該撫移咨廣撫將各盜家產變賠其出入口岸行令粵東督撫將失察文武各職名作速查叅再該撫又稱從前承審草率定案及不行詳查與朦混各官雖于各盜及棉湖寨會齊名數并鄭阿育等被誘各情皆未能逐一審出但原係按律定擬遵

旨聲明似無徇私情弊與例載擬罪稍輕引律稍有未協查明非係徇私免其糾叅卽行改正之條相符應遵例改正聲請邀免等語應免其查議查定例盜犯已經審明取供監斃四人以下者管獄官免議監斃五人以上者管獄官罰俸一年承問官將盜犯取有口供監斃四人以下者免議等語除漳浦縣知縣郭以治漳州府知府耿國祚俱經另案革職毋庸議監斃盜犯三名之管獄官侯官縣典史洪嘉謨監斃盜犯四名之管獄官閩縣典史徐霖承審監斃盜犯四名之署

漳州府事汪亮卿接署府事潘體豐均照例免議外應將監斃盜犯林阿妹等六名之管獄官福州府司獄錢照例罰俸一年再該撫又稱林阿妹等三十四名俱係一月之後拏獲例不議叙其一月內拏獲鄰境盜夥黃阿郎林時千鄭阿育許士烈林阿大係水師提標後營守備銅啟右營把總陳天成應候議叙查銅啟陳天成俱已身故等語應毋庸議奉

旨依議

出洋貿易因買米不遂起意行劫斬決免梟父尋子回中途被獲不准首減

乾隆二年五月刑部會議覆盜犯李捷倫等在交趾青煤海面行劫徐聞縣客民蔡日升等貨船一案據廣撫楊疏稱盜首李捷倫于雍正十二年十二月初八日夥同萬奇勝黃尙俊各出錢文前往徐聞縣屬販買豆油十一日至北車港口適遇洪三弟亦從海面駕船買油李捷倫等向搭伊船回家洪三弟應允李捷倫等即于十三日早挑油下船維時船上先有蘇茂搭回梅录水手吳亞黎火頭黃亞二舵工林蒂佐水手邱亞花并洪三弟幼僕王亞生一共十人是日開船出洋連遇大風二十日飄至交趾青煤海面灣泊孤洲適蔡日升何昌客船販油往交趾江坪華封縣賣畢回歸是日亦泊在彼避風洪三弟等因米糧告乏李捷倫遂同蘇茂過蔡日升等船上買米

蔡日升不允隨即回船李捷倫見其船內有錢頓起盜心商同行劫各皆允從是夜二更時分將船攏近事主船邊李捷倫等九人各執柴棍竹篙先後過船劫取錢衣米食蘇茂萬奇勝回船接遞吳亞黎恐事主追趕拾取柴刀割斷風篷繚索各盜回船開行將贓俵分散踪陸續緝獲各盜供認不諱將李捷倫等分別定擬等因其題查該撫既得李捷倫等原因生理出海被風飄至交趾海面值船中乏米適蔡日升等客船亦泊在彼避風李捷倫等向其買米不遂一時見財起意行劫並無器械與預謀糾黨出洋劫掠者有間應如所題爲首起意之李捷倫合依強盜已行得財不分首從律擬斬立決其情有可原之蘇茂吳亞黎萬奇勝黃尙俊應照例免死減等面上刺字遵奉乾隆元年五月內題定川廣犯事者僉妻發往雲南貴州極邊烟瘴地方交與該地方官嚴加管束該撫疏稱洪三弟係伊父洪

川源在廣西地方尋回欲首送到官行至茂名地方被兵役獲解雖未首送到案但係伊父尋回中途被獲可否未減聽候部議等語查洪川源雖將伊子洪三弟尋回欲首但係中途被兵役查拏並未首送到官不便照強盜親屬首告到官之例免罪減等應將洪三弟照例免死減等面上刺字遵奉定例僉妻發往雲南貴州極邊烟瘴地方交與該地方官嚴加管束黃亞二上盜時年止十四被誘同行並未傷人止劫一次應照孔小具之例杖一百流三千里查康熙六十年十一月二十日欽奉

恩詔凡免死減等盜犯俱准援免在案今蘇茂吳亞黎萬奇勝黃尙俊洪三弟事在雍正十三年九月初三日

赦前應請援免其已獲之贓給主收領未獲贓物應將各盜房產變賠盜船一隻變價入官逸盜林蒂佐邱亞花應令該撫嚴緝獲日另結再

該撫既稱幼僕王亞生雖同在船但未上盜又未分贓各盜行劫時該犯年止十一且事在

赦前應免緝拏洪川源並不知情各盜亦無同居親屬知情分贓等語毋庸議再該撫疏稱本案同夥十人已獲七名未獲二名同船未上盜又未分贓小僕一名獲賊已經過半盜首亦已拏獲審無窩線其被劫處所係交趾管轄洋面經縣移准吳川砲洲二營查覆本營遊巡船隻並無越至交趾洋面遊巡各犯亦已供明並未經由各該汛口出入所有文武疎防并出口入口職名應免查開至各盜先自徐聞縣地方開船出口劫後于遂溪縣地方入口散踪其失察出口入口職名應行查叅但事在

赦前應請免開等語應均毋庸議奉

旨依議

海賊照江上行劫例

康熙五十四年二月刑部會議覆陳世仲等行劫林元隆等船一案據廣撫滿丕疏稱盜犯陳世仲鄧貴朝李家福合置雙桅船一隻欲往瓊州裝載貨物於康熙五十二年三月十五日由虎門出海同夥共四十二人於本月三十日至陽江縣雙魚角海面因米糧缺乏適遇林元隆等客船鄧貴朝起意與各盜行劫至四月初十日又往吳川縣海面行劫林麟興等貨船至本月十五日被風打爛賊船各犯抱板登岸被獲歷審不諱陳世仲等應照江上行劫大盜例均應斬立決梟示但各盜又有行劫林麟興貨船應於彼案審明從重歸結等因具題除蘇亞五韓亞二蔡瓊萬梁亞興被海水淹死梁文聚鄧貴朝梁侯同鍾勝源梁濟璠鍾世聰中途病故郭景亮姚盛珍唐亞佐馮長林鍾倫傑江亞景譚奕生在監病故均不議外陳世仲姚起

瑞陳亞發孟亞菊鄧亞明陳子君陳亞朝胡良運李亞五高關與陳亞照鍾進侯蘇朝月蘇朝瑞姚錦祥蔣楚仕鍾賢郎麥明長蔡悅球鍾亞五鍾金成鍾亞三蔡自聯應照江上行劫大盜例應斬立決梟示但陳世仲等各盜犯又行劫林麟興等船應於彼案審明從重結未獲贓物將各盜家產變賠逸賊李家福獲日另結再該撫疏稱監斃郭景亮姚盛珍唐亞佐管獄官係陽江縣典史湯柔承審官係陽江縣知縣胡承謀相應附叅聽候部議梁濟璠鍾世聰梁文聚鄧貴官俟行劫林麟興貨船案內審明附叅等語查定例州縣監獄係吏目典史專管監斃三人者罰俸九箇月又定例承問官將真正人犯雖限內取有口供不早行題結監斃三人者罰俸三箇月等語應將管獄官典史湯柔罰俸九箇月承審監斃人犯之知縣胡承謀罰俸三箇月監斃馮長林等之管獄承審各官應俟行劫林麟興貨船案內審明題叅到日再議再查此案盜犯李家福捏寫盧成貴名字赴縣頌票至虎門掛號出海口爲盜應行令該撫將不行確查給票之該縣題叅到日再議奉

旨依議

海賊照江上行刦例梟斬

康熙五十四年三月刑部會議覆前任蘇松總兵官今陞江南提督
穆 拿獲海賊唐阿喜等共二十五名一案據兩江總督赫 疏稱
盜首陳阿龍因糧食稍貴起意行刦糾約唐阿喜陳興陳仁洪和林
阿孫邢阿格阿福阿六林阿二施阿富同夥十一人於康熙五十三年
年四月初間以打魚為名開船即於四月初一日偷竊乾魚船上器
械火藥等物刦擄打魚之蔡來芝蘇替明吳甘林阿富楊宗寧陳阿
來吳阿綽吳阿迎陳佃蔡阿來黃阿子復刦擄裝鹽船戶王捷邱四
王文貴鄭月陳德鄭員陳炳王添張四黃信張仁張達及打魚之莊
旺搖船使用于五月初間行刦不識姓名米船又同海賊陳有元刦
得木枋船一隻于五月二十五日在金鄉舉洋面撞遇官兵陳有元
即先逃遁陳阿龍等持械放砲拒捕賊犯陳阿龍等七名及被擄之

楊宗寧蔡阿來二名當被官兵砲傷落水身死餘皆被獲其黃阿子于中途跳水脫逃歷審唐阿喜陳興陳仁洪和俱供行劫拒捕不諱均應照响馬強盜例斬決梟示陳阿來等二十一名嚴審俱各堅供係閩廣民人各有原籍牌照及里甲籍貫可查實係被擄迫于賊勢不能逃走並未入夥行劫助賊拒捕應將陳阿來等咨解各該管官確查如係良民被擄是實取結安插果有行劫別案卽于該省就近審明完結至脫逃陳有元訊係廣東潮州府海陽縣人並請轉行該督撫著落查拿再唐阿喜等四名雖擬斬決但陳阿來等二十一名既請行查應否將唐阿喜等暫行監禁俟陳阿來等審明到日具題處決統聽部議等因具題除賊犯陳阿龍林阿孫邢阿格阿福阿六林阿二施阿富併被擄之楊宗寧蔡阿來砲傷落水身死均不議外唐阿喜陳興陳仁洪和應照响馬強盜例擬斬立決梟示該督既稱

將陳阿來等咨解各該省確查到日將唐阿喜等題明正法應如該督所請將唐阿喜等暫行監禁俟陳阿來等詳行查明作速具題正法疎脫黃阿子之兵丁司有成張奇既經該營照例責懲應無容議其拿獲海賊之官兵弁受傷之砲手應令該督照例查明議叙給賞拿獲盜賊之器械火藥貯庫脫逃之黃阿子陳有元等應令該督撫勒限嚴拿務獲審擬具題奉

旨依議

白晝在湖行劫不入可原

雍正八年 月刑部議覆先據蕪撫張 疏稱盜首施邦彥率子施
大欲覓駕舟生理前赴湯秀家與安長子羅大相遇邦彥因貧輒起
盜心謀劫行舟比因人少不果而散雍正四年二月十八日施邦彥
等復聚湯秀家適王昭亦至安長子遂糾王昭入夥羅大令王昭往
催曹阿天之船詭稱赴杭買麻各盜下船開行湯秀他出未同隨往
至蕪州長子登岸又邀喜鬍子入夥邦彥始將謀劫情由告知曹阿
天阿天允從同夥七人安長子羅大上岸探知葉士炳舟載衣箱行
李等物告知邦彥邦彥即令尾隨其船于二十五日行至吳江縣太
湖曠野地方邦彥等將船攏傍王昭在船接贓喜鬍子曹阿天在船
把櫓餘盜分執器械過葉士炳之船施大站立船頭把風安長子至
船梢以砒刀斷櫓施邦彥羅大進艙邦彥刀傷在船之汪邦傑左臙

朋又刀架士炳頸項刳取贓物回船至寶帶河內俵分而散并將分剩銀錢交曹阿天寄付湯秀收用汪邦傑傷輕平復歷審不諱將王昭施大擬以斬決又以二盜均未傷人且無行刳別案情有可原等因具題臣等以王昭催船時卽暗藏刀叉而行豈有不過船行刳之理况事主葉士炳帶有家人汪永翔并友汪邦傑船戶沈文玉等當施邦彥刀傷汪邦傑刀架葉士炳頸項之時汪永翔等何畏此一盜而俱坐視不救且施邦彥既用刀架住事主羅大一人手執鋼叉又焉能刳取多贓遞送過船是進艙傷人者必不止施邦彥一人止因邦彥病故推卸開脫衆犯應令該撫再審妥擬具題等因題駁去後今據該撫彭 疏稱研訊王昭等僉供當日進艙行刳雖止施邦彥羅大二人然尚有施大安長子俱過事主之船各執器械分立船頭船梢聲張助勢且汪邦傑已經砍傷葉士炳又被刀架頸項僅存汗永翔沈文玉二人不敢動手任由羅大置叉肆刳至王昭催船之時雖帶有刀叉臨時皆爲施邦彥羅大取用伊寔未曾過船傷人窮詰至再委無推卸情弊王昭施大相應仍照原擬等因具題除盜首施邦彥夥盜曹阿天窩犯湯秀均于取洪後在監病故不議外該撫既稱王昭施大同在太湖駕舟白日肆刳均屬悍惡兇暴情無可原等語應將王昭施大均依強盜已行得財者不分首從律擬斬立決未獲贓物盜產變賠曹阿天名下已起盜船一隻變價入官逸盜安長子羅大喜鬍子勒緝獲日另結查定例盜犯取供審明監斃四人以下者管獄官免議等語典史郭洪仁照例免議知縣徐 亦經另案革職毋庸議奉

旨依議

抽船至岸登舟行劫仍擬斬決不梟示

雍正三年八月刑部會議得祥符縣賊犯王六等行劫生員李連飛
船上一案據河撫田 疏稱王六與盜首康二素相熟識雍正二年
三月二十六日王六與魏三周七高八耿五谷壑子賀四在朱仙鎮
賈魯河邊聽人僱覓拉船適康二探知李連飛船內帶有行李起意
糾約行劫王六魏三等各皆允從谷壑子轉約李三胡九卽于二十
六日晚在鎮南李家坟聚齊共盜十人分執鎗刀大棍等械時至三
更齊抵連飛停船處所康二李三在岸把風魏三將船拉至岸邊同
王六等登船魏三在船稍把風周七燃火照亮谷壑子捉拏連飛家
人申有福耿五用繩細縛用棍擊其膝肋王六捉拏連飛賀四架住
王六用棍擊傷連飛額顱左耳腰眼胡九高八搜劫銀錢衣飾等物
各盜登岸奔至沙窩西坟內分贓而散嗣經弋獲胡九王六李三歷

審不諱李連飛并家人申有福傷俱平復王六胡九李三俱合依強盜已行得財律擬斬立決查康熙五十七年四月內前任撫臣題盜犯張二等在沈邱縣槐方店河內行劫趙國瑞客船一案經部議覆將張二等照依江上行劫例斬決梟示在案今此案各盜並未駕船行劫而抽船至岸登舟行劫仍由陸路逸去王六等應否亦照江上行劫之例斬決梟示聽候部議等因前來查先經臣部等衙門議覆張二等駕船行劫趙國瑞客船一案將張二等照江上行劫例擬以斬梟在案今此案盜犯王六等並未駕船止將李連飛船隻抽至岸邊登舟行劫財仍由陸路逸去不便照江上行劫例擬罪毆傷事主之王六合依強盜已行得財皆斬律擬斬立決事主傷已平復王六免其梟示胡九李三俱係跟隨盜首康二而行並未殺傷人均應照例免死減等僉妻解部面上刺字咨送戶部發寧古塔將軍發三姓地方酌給披甲及散戶人等為奴已獲贓物給還事主未獲贓物着落各犯家產追賠脫逃盜首康二傷人之夥盜耿五未傷人之夥盜魏三周七高八谷壑子賀四勒限嚴緝務獲另結奉旨王六着卽處斬餘依議

行劫客船并官役受賄議處

雍正七年 月刑部會看得盜犯郭連子等行劫楊洪關趙廷英客
船一案據江撫 疏稱首盜郭連子與夥盜郭羅漢子郭福子郭
壽子郭三子聚集南昌縣郭家山雍正五年二月初四日有西客楊
洪關等船至滁槎遭風打落水飄至郭家山孤舟停泊是夜郭連
子壽子至郭福子家烘火閑談適羅漢子三子亦至連子頓起盜念
告知有失風船隻泊于洲畔商同行劫各盜允從連子三子壽子各
執木棍羅漢子帶刀福子空手三子帶燈籠照路一同起身所持燈
籠被風吹滅一更時分齊至客船處所郭福子心生畏懼不敢向前
令同三子在岸把風餘盜先後上船楊洪關驚覺出船喊救連子棍
打洪關左膊跳水躲避船戶陳秀聞聲出救將担打落羅漢子篋刀
連子壽子羅漢子復持棍向前吆喝陳秀同事主趙廷英亦跳水避

命連子等三人旋卽入贖搜掠竹箱銀米等物回至郭會子店內煮飯飲酒會子詢知行劫情事容留任歇分贓次早天明各散報經該縣陸令通詳嗣獲郭會子供出各盜姓名拏獲郭連子郭福子郭盡子起有贓物典史許國士同捕役胡祥等前往滁槎廟內當欲訊究贓銀連子等心慌共出銀五十兩央托廟僧淡源說合過付許國士叔受并謝淡源銀五兩又將銀一十八兩付與胡祥等瓜分後至省叔監禁卒郭信等刑書喻樸彝俱向各盜索銀郭信等得銀十二兩喻朴彝得銀十二兩餘銀各盜花用後郭盡子在監病故前任陸綱審訊郭會子並非窩家詳請釋放復經署縣程緝獲郭羅漢子供出郭會子實係窩家亦經程通報歷審供認不諱除夥盜郭盡子窩家郭會子俱病故不議外將郭連子等分別按擬具題應如該撫所題將法所難宥之盜首郭連子夥盜郭羅漢子均依江上行劫強

盜斬決梟示例擬斬立決梟示該撫既稱夥盜郭福子一時畏懼不敢上船在岸把風實係初次爲盜情有可原等語應將郭福子免死減等僉妻發內地三千里但分發之處尙未議定應將郭福子仍僉妻解部發吉林烏喇酌給當差或披甲之人爲奴已獲贓物給至未獲贓物將各盜家產變賠贖逃夥盜郭三子嚴緝獲日另結至南昌縣典史許國士得郭連子等贓銀五十兩應革職合依知人犯罪不虛恐嚇取財者計贓以枉法論五十兩杖流律流二千五百里至配所杖一百折責四十板應赴僧淡源除得贓輕罪不議外合依說事過錢與受財人同科例亦杖一百流二千五百里照例勒令還俗至配所杖一百折責四十板令該管官嚴行稽查捕役胡祥等共得郭連子等銀十八兩內刑書喻樸彝得銀九兩胡祥等各得銀一兩五錢除徐熊雲病故不議外捕役胡祥等俱合依不枉法贓杖七十律

逢熱審各減一等杖六十折責二十板刑書喻樸彝得郭連子等銀十二兩又得捕役胡祥等銀九兩合依官役因事受財枉法贓二十兩杖六十徒一年無祿人減一等杖一百折責四十板禁卒郭信等共得銀十二兩俱合依獄卒受財計贓以枉法論一兩至五兩杖八十時逢熱審各減一等杖七十折責二十五板胡祥等均革役許國士等所得贓銀俱各照數追出給還事至再該撫既稱監斃郭盡子郭會子管獄官係南昌縣典史許國士已於本案請革再郭會子既係高家從前遽請釋放并失察許國士受贓之處係前任南昌縣陸綱轉詳之前任南昌府張景偉前任按察司積善俱已別案革職等語查定例斬絞重犯未經審出實情後經別官審出者將未經審出各官降一級調用又定例官員貪劣若該管上司不行揭報者同城之知府降三級調用司道降二級調用又定例官員衙役犯贓失干

覺察十兩以上者革職等語除監斃人犯之管獄官許國士于本案革職擬罪毋庸議外應將不行審出窩家遽行請釋之南昌縣陸綱照例降一級調用查陸綱又有典史許國士受贓不行揭報應照同城知府不行揭報之例再降三級調用又失察衙役犯贓應照例革職已經別案革職其降級革職之處均行註冊不行審出轉詳之南昌府張景偉照例降一級調用張景偉又不行揭報典史受贓應照例降三級調用按察司積善亦不行揭報許國士受贓應照例降二級調用查張景偉積善俱經別案革職其降級之處仍行註冊奉旨郭連子郭羅漢子俱着即處斬梟示餘依議

